

新編古今事文類聚

五十五

南 江 富 大用 時可編

六曹部

禮部尚書

歷代沿革

禮部尚書周之春官也漢成帝置尚書四人其四曰客曹主外國夷狄事光武分六曹吏部曹兼掌選舉齋祀事皆禮部也魏尚書有祠部曹東晉置祠部尚書掌朝桃之禮宋祠部尚書領祠部儀曹二曹齊梁陳皆有祠部尚書後魏稱儀曹尚書後周依周官置春官大宗伯卿隋為禮部尚書唐因之龍朔改為司禮太常伯咸亨復光宅為春官尚書神龍復舊宋元豐正名始除尚書闕元祐六年以梁燾為禮部尚書大元仍唐宋舊置禮部掌凡禮樂祠祭燕享貢舉釋道四方使客諸蕃進貢犒設帳設之事置令史分掌名頭以尚書為長

君筆書要語

三曰春官其屬六十掌邦禮周禮宗伯掌邦禮治神人和上下書周官帝曰咨四岳有能典朕三禮僉曰伯夷帝曰俞咨伯汝作秩宗夙夜惟寅直哉惟清舜典乃立春官宗伯使帥其屬而掌邦禮以佐王和邦國周禮太宗伯之取掌建邦之天神人鬼地示之禮以佐王建保邦國同上夏父弗忌為宗伯左傳宗伯秩禮是為大僚李絳制春曹尚書元積行王播制禮臣不佞燕許公碑春官古卿是用授汝南曹巨擬制擢登宗伯之曹上應文昌之位晏公類要實在南宮之列歲類典朕三禮大舜委於姜夷分勅六卿成王任於彤伯建茲歲首寔曰春官敦叙九族之親欽若五常之教祀天郊地之典舉其宏綱朝日夕月之儀撮其機要張鷟集昔舜命伯夷典禮

禮樂至周并為宗伯之任今禮部尚書蓋其任也南史

制正禮闈以充負眷惟千古之儀文宜付一人之雋彥故從劇

部移真清曹儀表制光明畫省務總要樞建禮仙門朕惟喉舌

張錫制典禮之於有司非人莫濟秩宗之於省戶其選則高同

上五星懸暉差池紫宮之曲百官根本照曹建禮之門蕭子範

詩曰及乎貞觀初尚書踐台斗注以王珪拜禮部尚書後以侍

郎執政杜送王評事

古今事考

管攝一曹

後魏孝文征馬圈留宋弁兼祠部尚書攝七兵事及行執手曰

國之大事在祀與戎故令卿管攝一曹北史

授卿一職

唐高宗謂裴行儉曰卿文武兼資故授卿以一職即日拜禮部

文新十一二

尚書兼檢校右衛大將軍

報卿直言

陳叔達初建成元吉疾害太宗陰行譖毀高祖感其言將有貶

責叔達固諫乃止太宗時拜禮部尚書勞之曰武德間公有直

言故以報卿

召入決事

睿宗朝薛稷為禮部尚書以翊贊功每召入宮中與決事恩絕

羣臣

筮得鼎卦

李綱字文紀初仕隋官不進筮之得鼎卦筮人曰君當為卿輔

待易乃如志至唐終禮部尚書唐書

藝如襪線

偽蜀韓昭仕為禮部尚書琴棋書筆射法悉皆涉獵李台瑕曰

鞞八座仕藝如拆襖線無一條長北夢瑣言

沔善禮經

唐崔沔秘書監太子賓客既善禮經朝廷每有疑議皆取決焉卒贈禮部尚書

稷議配饗

宋豐稷為禮部尚書哲宗升祔議功臣配饗稷以為當用司馬光只公著或者謂二人得罪於哲宗廟或不可用稷曰止論其有功於時爾如唐五王配享中宗豈非得罪於中宗者哉通鑑

言高麗市書

高麗貢使請買書籍朝廷以故事盡許之禮部尚書蘇軾言漢東王求諸子太史公書猶不許今可與乎詔曾經實者許依例同上

却西蕃貢馬

宋元祐西蕃有貢駿馬汗血者事下禮部軾時為宗伯判其狀云朝廷方却走馬正復汗血亦何所用事遂寢蘇東坡三馬贊

古今文集

雜著

禮部長貳壁記

洪邁

起建炎丁未至今三十四年凡禮部侍郎尚書名氏可見者毋慮五十有八人其在事歲月若除舊拜新雜出於掌故省臆或朕不具然大畧在是矣自元豐定官制歸天下萬務於文昌曹分賦朕頗采用周官唐六典尚書品第二侍郎品第二皆法從屬卑間朝廷所以尊榮之甚寵由是得政者鴈行立然要為具負吏朝日而坐出曹弊治不過操牘視成振之以章程捉之以挈比思庸索於几案此其勢不能得施置自便獨宗伯不其然間平時繩墨要會疑亦王官之一守有日天子卒遺興禮大朝

曠大慶賀與天地宗廟典策秩享之事衆史贊聚閣筆詞不占
措乃雍容風議斟酌固實拔之古可驗揆之今可行者繁吾啓
爲之非特規守成法視故府鍾鼓玉帛周章有司之後而已則
上所選置正用第一品亦其理且中興之宰十四而以是進者
六故相國義陽公清河公江寧公具興公今相國縉雲公弋陽
公礪礪落落如乘倉龍騎北斗淵耀下飾輝然一時固宜登載
表暴使後之君子有所瞻仰新安全公乃命郎吏謹具年次書
諸石紹興二十年九月初一日記

辭免禮部尚書兼翰林李士表

周必大

自天有命與地措躬臣竊惟掌禮代言班高選遼國初陶穀雖
嘗兼領然宗伯猶是階官未率屬也元祐中獨蘇軾文章李昉
稱此兩職然亦先後迭居不聞並命自紹興至于乾道沈與求
孫近胡交修楊椿汪應辰俱是六卿祇帶兼權李士有以見名

文新十二

器之重不輕畀附如此今臣至愚極陋無一可取積繇遭遇編
歷清華懷感恩之意而口不能言堅報國之誠而力不能逮前
此奏對每及祖宗時居內制者大率以任則臣拳拳之志粗亦
可推第緣宿恙侵凌未克僥求閑散陛下海涵天覆已極隆寬
乃復過有褒予超視二品直兼翰林度越前規寵厚而愈加位
高而益進方聖主大開公路臨昭首官何乃眷私小臣獨用其
至此臣所以既懷痛盈之懼又慮仰玷聖明溘懇顛天殆不容
已伏望睿慈鑒臣悃悃非敢禮辭特頒詔旨亟寢成命清資異
數留待奇才庶安危衷迄荷保全之賜

謝除禮部尚書兼翰林李士表

周必大

宗伯綴文昌之坐已高曳履之班翰林依華蓋之星尚玷纈綸
之直當聖主謹持於公器獨愚臣常愧於私人中謝臣竊考自
古豪英之才旋觀當今文學之士或抑厭京茅之下或陸沉州

縣之中瞻城南尺五之天致身無路想玉階方寸之地通籍幾人况乎出入禁嚴周旋侍從論思獻納日近清光衣被服成歲叨徽數向匪負一時之望安能符衆論之公如臣者孝不足以知方才不足以應務豕壁四立甘為窮陋之民君門九重敢起躋攀之念而自親逢聖作首奉詔除簡知特厚於衆臣獎擢徧更於華貫官益崇而效寡祿愈富而報微左降固宜右遷何有忽拜便蕃之命疊加優異之恩帥屬春官光貳卿之舊次摛文禁苑忝四命之新榮煥寶帶以章身飾繡鞵而駑駿正使實兼數器尚虞稱塞之難矧伊初乏寸長何意超踰之甚周章就列俯仰懷慙此蓋伏遇皇帝陛下道叶舜華志恢禹迹明明在下雖洞照於群情浩浩其天每包函於萬類寧稍捐於爵秩恐或棄於菲葑遂致凡才亦塵顯仕臣敢不悉其思慮稱是寵褒號令文章期助漢家之制討論潤色勉晞鄭國之賢苟道素殫豈

醜洪造

文新十一二

五

五

禮部侍郎

隋陽帝初置禮部侍郎唐因之龍朔中為司禮少常伯咸享復舊學策試貢舉及齊郎弘崇國子生等事舊制考功員外郎典貢舉開元中李昂為進士李權所詆朝議以考功位輕不足以臨多士次年遂以禮部侍郎掌焉宋元豐正名除戶部侍郎謝景溫為禮部侍郎自此始正除尚書闕大元仍唐宋舊置禮部侍郎

歷代公華

君幸要語

小宗伯之職掌建國之神位周禮禮部侍郎周之春官小宗伯也六典貳宗伯之掌禮典諸侯之貢士取類唐制可使典禮以和神人可使考文以第俊秀白集章頁之制擢以公望貳于秩宗豈惟神人之和兼孝孝秀之目取

類唐制秩亞春官南豐擬制稱秩元祀春官舊載舉秀與廉國

朝兼領非文儒碩茂裁鑿精實重于一時者不在此也賤類禮

闈儀曹典郊祀之禮獻賢能之書今小宗伯實兼一事非直清

公正者不足以處之白佳按韋貴之禮侍

詩句望郎到處竟風生鄭谷和禮部盧侍郎南宮吾故人白馬

金盤陀雄筆映千古見賢心靡他杜甫寄禮部賈侍郎

古今事考

侍郎入相

常衮自禮部侍郎入相時潘炎為舍人引麻因戲之曰留取破麻鞋著及衮視事不浹旬果拜南部新書

學士加祭

賀知章從太常少卿遷禮部侍郎兼授學士一日併謝訖謁宰臣源侍中曰賀公父著盛名今日一時加二榮命並為學士之

文新十二

方

四

光輝雖然學士與侍郎二者孰為美燕公曰侍郎自皇朝已來為衣冠之華選自非履歷清要望實具美者無以居之雖然終是具真之吏又非往賢所慕學者懷先王之道為縉紳執儀藹揚班之詞彩兼遊夏之文學始可處之無愧二美之中此為愈也唐書

父子南省

崔挹子湜先是湜為兵部侍郎挹為禮部侍郎父子同為南省副貳有唐以來未有此事

兄弟禮部

崔氏兄弟六人邠鄆鄆凡為禮部五吏部再居光德里構便齋宣宗曰鄆一門孝友可為士族法因題曰德星堂後京兆民即其里為德星社並唐書

重於宰相

韋純爲禮部侍郎取士抑浮華先行實嘗從容奏曰禮部侍郎重於宰相帝曰侍郎是宰相除安得重曰然爲陛下東宰相者得無重乎帝美其言

選多公卿

唐賈鍊爲中書舍人後正拜禮部侍郎所選士七十五人得其名人多至公卿

韋涉裁鑒

唐韋涉字殷卿爲禮部侍郎於裁鑒尤長本傳

柳璟寬信

唐柳璟字德輝爲禮部侍郎爲人寬信好接士稱人之長遊於門者他日皆顯於世

瑞柳試士

呂渭字君載遷禮部侍郎始中書省有古柳建中末枯死德宗自梁還復榮茂人以其爲瑞柳渭試進士取瑞柳爲題帝聞而嘉之唐書

文新十二

七

梯墻決事

惠文太子薨詔禮部選挽郎侍郎賀知章取捨非允爲門蔭子弟喧訴盈庭知章於是以前登墻首出決事時人咸嗤之唐書

直言時政

宋劉正夫字德初除禮部侍郎甚見詔求直言正夫條奏時政十餘事大略重名器輕賦斂戢干戈節賜予選人材惜民力鑒祖宗成憲謹持盈守成之道徽宗嘉納之東都事畧

抗聲和議

宋禮部侍郎曾開知婺州先是秦檜語和議曰此事大係安危開於坐中抗聲曰丞相今日不當說安危止合論存亡爾檜矍然驚其言遂命出守中興繫年錄

不宜輕出

宋中丞張守謚文靖除禮部侍郎力辭不拜上命呂頤浩召至政事堂中諭以正人不宜輕去朝廷守乃受命中興係年錄

當專任用

宋張魏公復除知興元府已登舟除禮部侍郎召對便殿上慰勞宣諭曰朕將有為正欲一飛冲天而無羽翼者卿為朕留意當專任用朱晦庵集

古今文集

雜著

謝轉禮部侍郎表

范文正

渙渥自天震惶無地循墻弗獲致寇是虞中謝伏念臣布素寒姿斗筭微器初縻下士之祿忽塵上聖之知歷升近班嘗預大政深自感激詎為因循仰祖宗之謀請行故事懷社稷之計動

文新十一二

り

四八六

發危言雖欲必尺其心奚能久安於位遽彰無狀誠合有誅而聖意始終天慈曠蕩尚真名於秘殿復蒙幸於善藩天拙云藏人言用息莫聞課最敢觀龍光伏蒙皇帝陛下雷霆震威日月還照未忘圖舊不次推恩擢登宗伯之曹上應文昌之緯職命如故爵數甚隆徒執讓以弗諧正服榮而為懼臣敢不夕惕三省寅恭一心進而尺憂國憂民之心退則劇樂天樂道之分上酬聖遇用竭愚衷

謝除禮部侍郎表

周必大

掌祕府之圖書又玷英游之列奉甘泉之筆橐駝汗法從之班恩厚踰涯感深次骨中謝臣聞知人繇乎堯哲分職著於周官明三德以有家所以撫五辰而疑庶績佐六卿而率屬所以倡九牧而阜兆民何畏巧言其惟古士如臣者以一介甚疎之跡荷兩朝特達之知槐市蓬山早塵華鬢烏雲為掖浸陟要班泊

中返於江湖亦旋歸於觀闕踰年于此片善莫聞心跋踏以不安顏忸怩而罔措所期顯黜乃誤殊遷惟宗伯古之清曹惟貳卿今之臚仕禮樂自天子出雖上稟於聖謨邊且則有司存當俯求於故實夫何鄙朴而許攝承夙夜直哉惟清莫遂夔龍之遜文章煥焉可述更慙乘馬之工茲蓋伏遇皇帝陛下冠古聰明御圖勤儉辨臣鄰之邪正昭示抑揚閔風俗之墮偷力加勸沮知臣雖無可用之實察臣粗有不欺之愚特假寵榮俾陪亞旅臣敢不益堅素守更厲丹心效守戩之小忠詎塞論思之責竭事君之大節或酬覆壽之仁

辭免禮部侍郎兼直院兼侍讀狀 真德秀

內史之除倣逾三日秩宗之命遽下九天仍經幄之新榮兼詞林之舊直此前代崇儒之典取謂寵光矧嗣皇訪落之初可輕畀付碩如某者自視闕然禮樂詩書少雖涉獵文章翰墨久已

文新 一一二

九

荒疎分闕二年憂民一意痒痾由已敢辭夙夜之勞毫髮無功徒致陰陽之寇精神旡憤形體支離頃屬夏秋之交嘗陳香火之請蒙恩未許竊慮是慚詎意龍飛首放駟刀盾登西掖旋貳南宮陳善責難蓋平時之自詭尊經好學迺盛旦之親逢所願依日月之光期或遂消埃之補而某自嬰宿疾未底全安簡策舊文都忘前習記牋常語且出他人豈堪持衰備之身而輒造清華之選仰祈敷奏俯徇愚衷祿賦祠庭庶少瘳病馬之疾心存帝闕終願輸螻蟻之忠

謝除禮部侍郎兼直院兼侍讀表 真德秀

龍飛九五幸逢真主之與駟召冉三俾造邇臣之列取親地遠恩鉅人微中謝臣竊惟國勢之重輕率視人材之聚散上多吉士則若鳴鳳之集梧相朝有直臣則若猛獸之衛藜藿和吉聞而妖声自息正氣勝而邪氣罔干是以元祐自年及起諸老隆

興初政異萃群賢正塗既開治蒙可卜於赫盛日適追先猷宜
得白首耆艾之英以重清時獻納之選伏念臣等雖志道材弗
瑜人忝乙第於慶元臨軒之初綴三館於嘉定改絃之始鰲鼎
久直曾微華國之文螭陛屢前徒抱愛君之志越從子節游易
守藩尚期宣室之席前忽痛鼎湖之弓墮義輪東出方溥海之
仰瞻漢札西來先時髦而收召身未登於詞掖班已躡於儀曹
金華玉堂假儒臣之榮寵蘭臺石室窺太史之秘藏自惟何人
叨此殊獎茲蓋恭遇皇帝陛下德全純懿季務緝熙念皇天后
土之監臨居懷兢畏察君子小人之消長實兆與衰謂臣雖無
適用之材知臣粗有不欺之節擢躋迹服許貢微忠臣敢不戒
在苟容期於美報惟禮可以為國願廣晏嬰之言非道不敢前
陳竊效孟軻之敬

律詩

十一新十二

十

寄下侍郎放榜

劉禹錫

禮闈新榜動長安九陌人人走馬看一日名聲徧天下滿城桃李屬春官

禮部郎中

歷代公華

周官大宗伯屬官下大夫蓋郎中之任也魏晉宋齊梁陳後魏北齊有殿中郎儀曹郎殿中掌表疏

儀曹掌吉凶禮制皆禮部郎中之職也後周依周官隋禮部曹置侍郎一人煬帝改儀曹唐因之稱郎中武德二年復為禮部能朔二年改司禮大夫光宅神龍隨曹改復宋元豐正名初除劉摯王子韶為之大朝會則上書奏藩國貢物凡慶賀若謝則郎中負外郎分撰表文建炎三年詔禮部郎官一員兼主客大元仍唐宋舊置禮部郎中

君筆書要語

春官之屬晏公類要容臺是則僊闈咸推唐彭景

直禮部郎制儀曹之任實藉文雄郎吏之選必資

時秀唐授禮部郎制張燈起草譽動南宮許公集賜筆禮闈進

席天臺之屬張賈制裁書南閣常衮制太微之星郎位甚近宗

伯之屬禮為司清公是謝表俎豆之議著為典常賡奏之文傳

為口實秩清任重時儒所貴不次之用多此途出曲阜行上官

均制儀曹郎選參訂禮文兼取賡奏非富儒季未易處也同上

掌佐尚書侍郎率其儀制而辨其名數掌凡五禮之儀二百五

十有一六典掌禮樂季校儀式制度衣冠符印表疏冊命祥瑞

鋪設喪葬贈賻及宮人等通典注

惟此禮部公東坡也寒泉薨舊井滴此父羸瓶召還及脩

縵山谷須知百日掌絲綸禮部百日内須知制誥故王元之与

古今之事實

真儀曹郎

孔過為齊尚書儀曹郎梁歲闕禮多見信納上謂王儉曰孔過

真所謂儀曹也南中文片書曰

解朝儀者

梁武帝問徐勉求一有季燕解朝儀者為尚書儀曹郎勉曰孔

休源識見清通詳練故事帝即日除儀曹郎每建議訪問前事

休源即以所誦記隨機斷決曾无疑滯吏部任昉常謂之孔獨

誦梁書

南宮舍人

舊說禮部郎中掌省中文翰謂之南宮舍人唐駱林又宋神宗

與宰執議更官制至禮部郎中曰此南宮舍人非他曹比可除

劉摯玉鞏聞見錄

名表郎官

宋元豐官制禮部郎中謂之名表郎官別有印曰名表郎印石
林燕語

辭章自名

唐薛稷字嗣通為禮部郎中以辭章自名

論議无屈

唐李翱為禮部郎中性峭鯁論議无所屈見宰相李逢吉面斥
其過失並唐書

奏議詳雅

唐王宏中在禮部奏議詳雅省中服其能韓愈撰墓碑

大儀專委

唐劉杳字士深博綜群書為儀曹郎僕射徐勉以臺閣大儀專
委杳曰焉

文新十三

十二

止加尊號

宋劉敞字原父天子將親大禘于太廟丞相欲加上尊號公以
禮部兼領名表丞相請撰表公說止之遂上疏章凡四天子得
公奏曰我意本謂當如此遂斷章表不受公於是忤時相言行

撰賜衣表

舊大朝會等賀及春秋謝賜衣請上聽政之類宰相率百官奉
表皆禮部郎官之職大觀以後朝廷慶賀事多非常例郎官不
能得其意蔡京乃命中書舍人雜為之既又不欲有所去取於
是間參取首尾或摘其一二聯次比成之當時謂之集句表禮
部所撰惟春秋兩謝賜衣表而已石林燕語

古今文集

雜著

禮部郎官廳壁記

洪邁

鈞之爲郎然二十四司冷熱劇易不得同日語中與時捐不急
之官省郎負七以主客合於禮部號爲兩曹而所掌猶不過牋
削印瑞郊廟禮文與士子科率事日所程判其多不能以百天
明省門開繇大丞相以下畢入聽治吾同舍郎南典選此理財
文書鱗午吏四繞不少置獨儀曹之廷可設翳罔于方理蠹簡
呻帖畢作書生事業倦則偃一榻上遲食時矍起摩睡眼以出
卒食舒舒而行伺丞相上馬已即去至无毫毛可用以爲勤以
白長官者其官同祿之入又同而佚勞相絕顧如此類之不厚
難矣哉聽壁當有記以謹歲月識名氏今亡有也問諸掌固掌
固不知蓋其官閑其吏緩閑與緩相遭苟其類靡非一日實然
予訪老吏質太史越數月而後頗得其梗槩乃探建炎以來至
于今日自祖秀實始并書其幸甚云紹興三十年七月八日記

禮部郎官廳記

黃疇若

紹興三十年洪內翰邁昉作中具以來禮部郎官廳壁記自建
炎元祀六月至開禧三年四月由祖秀實而下凡八十七人題
字竟及跌後來无以書今國子戴司業溪廼伐石以續而題其
名於端屬余記歲月于上惟禮部有儀曹郎蓋古春官之屬魏
齊及唐多選名士典領雖不治文書比他曹爲閑暇然極其至
要則協禮樂以贊宗伯治神人以和上下至於事筆研於其間
者亦必廉悍俊拔如柳宗元劉禹錫輩乃稱是豈細事思厥艱
大反不若縱橫計財甲乙論刑之爲易易耳故廣前誌之未及
冀方來之知勉使牽聯詩書業履光大以對于前聞人顧不偉
欵毋徒指睡睫曰丞相上馬去吾事畢矣開禧丁卯九月丙戌
豫章黃某記

朝奉郎蘇軾可守禮部郎中誥

王褒

尔議論文章卓然名世而失職浸久斯亨未伸今茲命尔爲郎

以待不次之選孔子曰如或知尔則何以哉維尔之才不患无位律詩

寄同年禮部趙郎中

鄭谷

仙步徐々整羽衣小儀澄澹轉中儀揮飄紅炆趨朝路蘭縱清香宿省時彩筆煙霞供不足綸闈鸞鳳訝來遲自怜孤宦誰相念禱祝空吟一首詩

寄禮部劉郎中

令狐楚

一别三年在上京仙垣終日選群英除書每下皆先看唯有劉郎无姓名

禮部員外郎

歷代沿革

周官大宗伯屬官有上士蓋今員外郎之任也後周依焉隋開皇六年置禮部員外郎煬帝改儀曹

文新十一二

山

9

承務郎唐武德初改禮部員外郎龍朔二年改司禮員外郎咸亨光宅神龍隨曹改復宋諸司員外郎正七品大元仍唐

宋舊置禮部員外郎

羣書要語

官有秩清而選妙者其儀曹員外郎之謂乎白集有張元夫制怒飛青真翔集禁陞由茲去者十八

九鳥同上禮部郎中員外郎凡講議制度損益儀物則審覆有司所上之狀以次諮決而質於尚書省宋續會要

詩句移石幾回敲廢印開箱何處送新圖唐舊說。員外郎廳

有大石諸州府納廢印皆於石上碎之又圖寫祥瑞亦員外郎所

古今事實

瑞錦窠

唐舊說員外郎為瑞錦窠退朝錄

清朝器以下係員外郎

唐李班為殿中侍御史宰相韋處厚曰清廟之器豈擊搏材乎
除禮部員外郎

文章稱首

唐劉禹錫柳文序子厚以文章稱首入為尚書禮部員外郎又
柳子厚文章卓偉精緻唐駁林

撰定成服

唐韋叔夏授禮部員外郎則天將享明堂受制與當時大儒撰
定儀注眾咸推服之唐書

少年超取

僕年二十三甚少年自御史裏行得禮部員外郎超取顯羨柳
宗元為蕭悅書

十年方轉

唐劉禹錫為禮部員外郎方與日者從容段文昌入謁既去日
文新十一二 十五 三十八

者謂禹錫曰員外須待十年之後此客入相方轉正曹郎耳自
是禹錫決意連受外官十餘年文昌入相方除禹錫禮部郎中
錄異記

名德為首

唐崔澹奉止秀峙謂玉而冠者為禮部員外郎當時士夫以流
品相尚惟名德者為之首唐書

士林稱誦

宋汪大猷字仲嘉除禮部員外郎南宮名表一出士林稱誦之
撻攻愧集

不許補館

唐許孟容德宗召為禮部員外郎有公主之子請補弘文館諸
生孟容奉命式不許公主訴于上命中使問狀孟容執奏竟得
遷本曹郎中

不草虜錢

宋吳懋晉陵人為禮部員外郎虜立張邦昌法當即草廢奏公度不可拒將引繩自裁有幸非常者僂曰僕請為之由是獲免而主時雍用事坐政事堂公發憤罵時雍曰反虜吾不能擊汝如段秀實耶時雍面頰發赤不能對公因以疾求罷不聽遂稱疾篤於家 中具系年錄注藻撰墓誌

論明堂合祭

宋王居正剛中紹興元年除禮部員外郎上將祀明堂公立議請合祭天地奉太祖太宗配詔禮部議是撫州守臣言甘露降圖以聞公請卻其圖勿內臺臣繼劾守奪其州 呂東萊文集

言海濱祭典

宋李文簡公壽正除禮部員外郎中具祭典未備兵鎮海濱先農先蠶風雨雷師九祠以酒脯代牲牢兩賜失節郡因水災以此詔復舊

古今文集

律詩

春夕伴同年禮部趙員外直省 鄭谷

錦帳名郎重錦科清宵寓直縱吟哦水含玉鏡春寒在粉傳仙闥月色多視草即應歸萬壑擇蘭知道暫經過流鶯百轉和殘漏猶把芳樽藉露莎

禮部分掌

祠祭 燕享 山陵致祭 司天 醫卜 釋道
度牒 忌辰 廟諱 旌表 舊祠部

歷代公華

東晉而下逮於北齊皆有祠部郎後周春官府有典祠中大夫隋有祠部郎唐改為郎中龍朔中改為司禮大夫後復故宗祠部判司事一人以无職事朝官充凡祠祀享祭皆隸太常禮院而天文刻漏歸於司天監本司

但掌祠祭晝日休暇令受諸州僧尼道士女官童行之籍給
剃度受戒文牒而已元豐改制郎中員外郎始實行本司事
參掌天下典祀國忌廟諱凡本司所治之事月奏祠祭晝日
及休假令節即神祠封爵號則覆太常所定以上尚書省應
宮觀寺院僧道置籍書其名額歲較醫官功過而賞罰之。

大元

无專曹官以令史分名頭掌之

羣書要語

祭以祀神人道之極也祠曹所領躰莫重焉兩豐
趙令錄制追建禮之禋曹胡文恭贈曹旭制水聽

素號无事紹興呂本中制

詩句

又隨急詔朝天去陳右山送鄭祠部仰承宗廟懷祗虔晉

祠部秘山含堊中宴會

古今事實

三世為郎

文新十一

十七

賀德基世傳礼孝祖又發父淹至德基二世為祠部郎德基於
礼記稱為精明南史

二年在部

宋葉夢得字少蘊迂祠部員外郎召對上喜因問在祠部幾時
對行及二年上曰如是父乎朕即當不次擢卿後數日遂除起
居郎長編

召拜祠部

晉周捨博學尤精義理善誦詩書吏部尚書范雲重其才器言
之梁武帝召拜尚書祠部郎礼儀損益多自捨出也

命涉典祠

宋富弼子紹庭除祠部員外制云惟尔先正相子祖宗尔少長
義方習以成性詩不云乎惟其有之是以似之朕亦何愛典祠
之清選而命汝陟焉以勸夫孝於親者往其欽哉東都事畧

呼為水廳

祠部呼為水廳夫声言其清且冷也因話錄

不博都門

唐省中語後行祠屯不博中行都門同上

言南北郊

魏徐邈為祀部上言南北郊及論明堂宗廟毀建言皆有證魏

職太廟事

晉改立太廟摯虞為祠部郎職其事職類

才應礼祭

晉許允之字之奇才應礼祭擢為祠部郎同

議有故實

後魏裴修兼祠部曹每有疑議修撰斟酌咸有故實北史

不度僧道

支新十二

十

宋陳襄字述古號古靈先生判尚書祠部時譯經僧法護遺表

度十僧趙縵奏列子廟二年度道士襄皆執奏不行神宗實錄

不阿秦檜

宋胡寧文定之子迂祠部員外與秦檜議論不合時煇為樞密

檜問兒子迂除如何寧曰外議以公相必不能棄京之迹檜怒

以言章罷紹興正論

論樂舞非古

姚察為尚書祠部侍郎舊魏王爾奏祀天地設宮懸之樂八佾

之舞至梁武帝以為事人礼緣事神礼簡古无宮懸之文陳初

承用莫有損益管帝欲備樂付有司立儀以梁武為非時碩李

名儒咸希旨察乃博引經籍獨違群議據梁祭為是當時莫不

慙服

引經論薦新

趙彥若迂祠部員外郎先是宗廟薦新仲秋用莩萌不經易以蒲白彥若曰蒲春始生可食秋則過時不可以薦乃據引經傳改從春薦國史

古今文集

雜著

與祠部陸員外書

韓愈

執事好賢樂善孜孜以薦進良士明白是非為已任方今天下一人而已愈之獲幸於左右其足迹接於門墻之間陞乎堂而望乎室者亦將一年于今矣念慮所及輒欲不自疑外竭其愚而道其志况在執事之所孜孜為已任者得不少助而張之乎誠不自識其言之可采与否其事則小人之事君子尽心之道也天下之事不可遽數又執事之志或有待而為未敢一一言也今但言其最近而切者尔執事之與司貢士者相知誠深矣

文苑十一

十一

八八八

彼之所望於執事執事之所以待乎彼者可謂至而无間疑矣彼之職在乎得人執事之志在乎進賢如得其人而授之所謂兩得其求順乎其必從也執事之知人其亦博矣夫子之言曰舉尔所知然則愈之知者亦可言已文章之尤者有侯喜者侯雲長者喜之家在開元中衣冠而朝者兄弟五六人及喜之父仕不達棄官而歸喜率兄弟操耒耜而耕于野地薄而賦多不足以養其親則以其耕之暇讀書而為文以干於有位者而取足焉喜之文章萃西京而為也幸進士十五六年矣雲長之文執事所自知其為人淳重方實可任以事其文与喜相上下有劉述古者其文長於為詩文麗而思深當今幸於禮部者其詩無與為比而又工於應主司之試其為人温良誠信无邪佞詐妄之心強志而婉容和平而有立其趨事靜以敏著美名而負屈稱者其日已久矣有韋群玉京兆之從子其文有可取者其

進而未止者也其為人賢而有材志剛而氣和樂於薦賢為善
其在家無子弟之過居京兆之側遇事輒爭不從其令而從其
義求子弟之賢而能業其家者群玉是也凡此四子皆可以當
執事者首薦而極論者主司疑焉則以辨之問焉則以告之未
知焉則殷勤而語之期乎有成而後止可也有沈杞者張弘著
尉邊汾者李紳者張後餘者李翊者或文或行皆出群之才也
凡此數子與之足以收人望得才實主司疑焉則與解之問焉
則以對之廣求焉則以告之可也往者陸相公司貢士考文章
甚詳愈時亦幸在得中而未知陸之得人也其後一二年所與
及第者皆赫然有聲原其所以亦由梁補闕肅王郎中礎佐之梁
舉八人无有失者其餘則王皆曾與謀焉陸相之考文章甚詳也
待梁与王如此不疑也梁與王率人如此之當也至今以為美
談自後主司不能信人人亦无足信者故蔑之无聞今執事之

文新十二

廿

與司貢士者有相信之資謀行之道惜乎其不可失也方今在
朝廷者多以遊燕娛樂為事獨執事眇然高奉有深思長慮為
國家樹根本之道宜乎小子之以此言聞於左右也

禮部分掌

四方使客

舊主客

歷代沿革

主客之職周有之漢置尚書郎四人其一主匈奴
單于蕃部蓋主客之任也魏有南主客晉主客分

左右南北宋置主客齊梁皆因之隋為主客郎大業改司蕃

郎文帝置主客員外郎煬帝為承務郎唐龍朔改司蕃大夫

宋主客無所掌建炎三年詔禮部郎官一員兼主客掌諸蕃

國朝貢及國信礼物并封龍祭享之事大元令史分掌各頭

四方使客隸於禮部

古今事實

起家為郎

後漢何遜少有美望公府中十辟一無所就由是名重華夏起家為尚書主客郎

主客稱職

後魏李緝為尚書南主客郎緝前後接對凡十八人頗為稱職

庾對魏使

庾杲之為主客郎對魏使二問杲之曰百姓郡家家題門帖賣宅荅曰朝廷欲歸蕩京洛克復神州所以家二賣宅魏使縮鼻而不荅南史

范接北使

梁范胥為國子博士有口辯嘗兼主客郎應接北使

美其醞藉

匈奴使李道固至詔使主客郎立此等接對道固等美其醞藉

新春秋

文新十二

廿

囚其失言

魏收為主客郎接梁使謝琨徐陵時徐陵為散騎常侍使魏二人接館宴賓是日其執主客魏收朝徐陵曰今日之執由徐常侍來陵即荅曰昔王肅至此為魏始制禮儀今我來聘使卿復知寒暑收大慙齊文襄為相以收失言囚之數日

古今文集

古詩

寄主客張郎中

姚合

年長方慕道金丹事參差故園歸未得秋風思難持寒拙公府棄朴靜高人知以我齊杖履昏旭詎相離吟詩紅葉寺對酒黃菊籬所賞未及畢後遊良有期繁二華省步屑二旅客姿未同山中去固當殊路歧

律詩

寄主客刘郎中

姚合

漢朝共許賈生賢，
下謫還應是宿緣。
仰德多時方會面，
拜兄何暇更論年。
嵩山晴色來城裏，
洛水寒光出岸邊。
清景早朝吟罷思，
題詩應費幾州錢。

寄主客員外郎

姚合

蟬稀蟲唧二露重，
思悠二靜者多。
便夜豪家不見秋，
同歸方欲就微恙。
幾時瘳，今日滄江上，
何人理釣舟。

新編古今事文類聚卷之十三

新集

廿二

南 江 富 大用 時可編

六曹部

兵部尚書

歷代沿革

兵部尚書周之夏官大司馬卿也漢置五曹未有主兵之任魏置五兵尚書謂中兵外兵騎兵別兵都兵也晉大始中有五兵尚書宋齊梁陳皆有之後魏置七兵尚書後周置大司馬卿一人隋改兵部尚書唐龍朔元年改司戎太常伯咸亨復光宅改夏官尚書神龍復天寶改武部尚書至德復掌武官選舉總判兵部職方駕部庫部事其分領選舉亦為三銓如吏部宋尚書掌武舉民兵相士軍鹵簿及蕃夷官負承襲之事九聯其什伍而教之戰兵部武選

之制倣貢舉法若遣將出兵露布奏捷必告於廟其屬有言取一郡縣地圖蕃夷歸附之事隸焉曰駕部輦輅車乘廐牧驛傳之事隸焉曰庫部軍器儀仗鹵簿供帳之事隸焉元豐五年九月詔應公邊義勇保甲事並隸樞密院其餘民兵悉隸兵部建炎二年併衛尉寺歸兵部大元仍唐宋舊置兵部掌兵籍軍器鎮戍廐牧鋪驛車輅儀仗郡邑圖志險阻障塞之事置令史分掌名頭以尚書為長

羣書要語

四曰夏官其屬六十掌邦政周禮乃立夏官司馬使帥其屬而掌邦政以佐王平邦國夏官司馬掌

邦政統六師平邦國周官矧惟若疇圻父薄違書酒誥注圻父

司馬也析父子王之爪牙詩睢鳩氏司馬也左傳夏官大司馬

之職掌以九伐之法正邦國制軍誥禁以糾邦國領校人牧師

職方司兵之屬即今兵部之任也通典尚書大司馬亦曰夏卿

取林大司馬者武官也大總武事訓馬為武者取其健行釋名
兵部為西曹崔融選人議惟茲夏官實掌戎政白居易行柳公
綽制緝熙九法董正六師徐淑授李林甫制九法以正邦國蔡
謨讓五兵尚書疏中臺政事所出兵部司馬之任南豈擬制夏
官掌武超進崇資揚億代表文昌七兵之秩同上周禮命卿司
馬掌國征之事歲表類恭守戎曹訓齊武郡簡稽之務軍國是
殷許公集周之九法歷代用焉故夏官之重高位又虛錢翊授
陸表兵部尚書制武選隸於天官兵政總於樞輔故司馬之職
獨省文書東坡表掌天下兵衛武官選授之政令凡軍師戍卒
之籍山川要害之圖既牧甲仗之數六典

七只之事實

為經雲

黃帝夏官為經雲史記

文新十四

觀鳳凰

黃帝坐玄扈之樓上與司馬容光臨觀鳳凰之至河圖

以三公領

周成王時畢公為三公兼領司馬之職釋名

為宰相兼

唐姚崇為宰相兼兵部尚書屯戍斥堠士馬儲械無不暗記唐書

南省視事

唐李輔國為兵部尚書南省視事使武士戎裝夾道唐書

峻路大用

唐朱淮為兵部尚書自得峻路必當大用封川多方沮之同上

數訪時政

唐王起字奉之為兵部尚書文宗數訪逮時政起因積雨願寬

逐臣唐耿林

召入坐語

宋黃中為兵部尚書兼侍讀每當入直上常先遣人候視至則亟召入坐語從容月必一再見公知無不言珠文公撰黃瑞明

居榮尚簡

唐李懷遠除兵部尚書雖久居榮位而彌尚簡率常乘款段馬左僕射丘盧欽望曰公榮貴如此何不買駿馬乘之荅曰此馬幸免驚蹶何假別求聞者歎羨通典

指樹而懷

唐吳湊為京兆尹以能政兼兵部尚書街樹缺所司植榆以補之湊曰榆非九衢之玩亟命易之以槐及槐陰成而湊卒人指樹而懷之

奏傳參辭

唐令狐楚諸道新授方鎮節度使等執弓弩帶器仗就尚書省

文新十四

兵部參辭伏以軍國異容古今定制事不由舊斯為改常未聞省閣之門忽內弓刀之器鄭注外蒙恩寵內蓄兇狂首創奸謀將興亂兆致王璠郭行餘之輩敢駘將吏直詣闕庭震驚乘輿騷動京國雖既往不咎而其源尚開伏乞速令停罷如須參謝即具公服從之

坐失軍容

唐元宗初即位十一月講武於驪山兵部尚書郭元振坐虧失軍容將斬以徇張說於馬前諫曰元振有功於社稷雖軍令不可加刑乃配流新州

疏劾亂行

宋祀南郊蘇軾以兵部尚書為鹵簿使上因太廟宿齋行礼畢特至青城忽有赭傘犢車并青蓋犢車百餘乘衝突而來公呼御營巡檢使立車前曰西來誰何敢爾亂行曰皇后并其國大

夫人其大長公主也公即於青城上疏劾之明日中使傳命申
勅有司嚴整仗衛言行錄

論制狄道

宋兵部尚書王庶論制狄之道在於民周文王問太公以爲國
太公曰愛民而已兵書無不本諸愛民者上歎曰大臣才也遂
拜樞密副使中興係年錄

古今文集

雜著

爲楊執柔讓夏官尚書表

李嶠

光寵載臨震博交集臣某中謝臣學無所成志不遠及徒以憑
託霄漢接南陽之近親感會風雲附西京之外戚遂得叨恩藉
幸服冕乘軒將燕雀而同化共鸞鳳而並翼自升榮軒闥接武
卿士徒參河海之象竟之消塵之效竊位妨賢自甘屏黜循涯

文新十四

四

揣分敢希超獎而聖造不貲天波累洽仍降非常之澤更申喻
筭之命豈惟連芳八座上比七星固亦分職五曹專司九法昔
虞登百揆命喉舌之官晉簡庶僚崇元凱之秩自時厥後此選
尤難自非宿望通才高賢舊德何以別邦國之大典膺腹心之
所寄臣尸忝無成實彰於既往朽劣不逮難冀於將來雖踰報
有心而勉勵無術寧敢自安時謗屢玷國猷綜理機衡搜擇才
俊而至公之道未廣於翹薪則作哲之明近謬於庸菲恐人物解
躰衣冠失望伏乞暫迴冲鑒俯絕過恩更弘尚德之幸不失能
官之授則濟濟庶寮自有悅於多士區區庸鄙倘無譏於候人

爲歐陽通讓夏官尚書表

李嶠

非常之恩忽萃庸朽顧匪服而增醜奉如絲而自失臣通中謝
臣聞思皇多士必求於俊又惟帝念功不寄於保庸臣識量凡
淺志業亮王廢乏刀筆之吏能無俎豆之經術徒以積勞爲忝久

官成資承日月之末光霑雨露之弘實文二之組每歎於假竊
尺一之制更獎於庸微俛仰歎惶屏營友側夫以天臺峻密帝
猷毅曠端揆隆於八座樞衡總於萬機非夫才賢孰能綜理况
周官司馬有甲兵之職漢服珥貂兼喉舌之任歷觀前載此選
尤難安可以擢操散材瓶簞小器比德陳劔差蹤鄭獲豈無慙
於謬寵實有懼於妨官今聖曆惟新王化資始天工其代帝難
所急伏願特寢過恩勞求實用塞多幸之路開至公之道則巨
鱗縱壑朝有得賢之頌惟鵜在梁庶無濫官之責

兵部尚書壁記

杜頌

周官大司馬師今兵部尚書屬掌邦國之政以九法封國以九
伐正邦以籍我畿以倡我牧弘有萬類阜成兆民訂謨戎馬之
事密勿鈞衡之地自我唐受命訖于今居夏官者衆焉或列於
台階者蓋寥寥矣所以任必以親以德以勳以賢穆如清風翼我

文新十四

平

玄化率惟茲有典用保又有邦二十一年冬十二月詔工部尚
書李公典之政敷以時道濟於物優遊宰府蔚為詞宗以公族
之英受親賢之寄屬冢宰虛位官吏要才載委天衡是掌邦理
東巡歲夏四月皇帝將崇厥德報厥功乃命再從兄開府儀同
三司持節朔方節度副大使兼禮部尚書上柱國信安郡王禕
禮樂天付衣冠人秀忠以匡濟文以經綸謀明道高功格化洽
昭乃王度簡于帝心九命可以見其賢四征可以觀其績鎮朔
方以無名之討八年而正虜平攻石堡以不陣之師一旬而戎
狄懾服榆關之役用兵以奇故杖鉞而兵勝大河之戰戒軍以
嚴故坐帷而軍捷建奉常之禮則神人叶上下和從夏卿之政
則萬國平六卿睦辨九州之國知其奸究同其貫利掌六馬之
物駕理以則講獻以時握五兵之要以辨功理以待軍事此九
職司焉政之所統也王勤政以和是以戎翰允輯拒旅以蒐舍

禽以苗理治以獮大閱以狩此四田司馬教之所被也王敦教以就禮是以祀與孔明初則以法示其令也終則以伐明其德也九功惟序九序惟歌是用陳既往之烈係今來之美以書于屋壁

兵部長貳題名記

周必大

大小司馬著於周官歷代沿革可考也本朝倣唐六典曰兵部凡民兵廂軍蕃兵剩員武舉投試武藝金吾衛司人兵及大將出征告朔破賊露布鹵簿字圖若蕃夷屬戶授官封之事皆主之曰職方凡天下地圖城隍堡寨烽候之數蕃夷歸明內附之事皆主之曰駕部掌凡輦輅車乘旣牧雜畜乘具傳驛之政令辨其出入之數曰庫部掌凡軍器儀仗鹵簿法式隨軍防城什物及凡供帳之事是爲四司而其王判率用他官所謂長貳姑以寄祿而已尚書全銀青光祿大夫也侍郎今正議大夫也位

序既高非宰執侍從鮮能至故方任事時自揚乃職有如歸班猶弗敢替盡規之義名公鉅卿磊落相望抑有由也元豐肇新官制尚書從二品侍郎從三品實坐曹治事名稍正矣而武選隸天官兵政歸西府其職視唐猶簡况於成周乎雖然古號六卿今日近臣使其告猷可以沃上心陳力可以大厥官則天下國家將陰受其賜烏在事之繁簡也若乃自畫於有司視成於胥吏縱法不爾繩課不爾毀得而無愆乎某五年之聞兩以他官承攝惟亞去秋遂冒真秩因厚而能薄身勤而才不逮夙夜以思何愆如之暇日視別部率有壁記紀前人名氏乃起中興之元逮今五十年得長貳百人而兼行其事者在焉抵牾疏略有所不免大槩具是矣元祐二年始置權侍郎從四品明年置權尚書正三品崇寧改元遵元豐之舊建炎四年復權侍郎紹興八年又復權尚書而建炎三年嘗詔六曹惟吏部備官餘長

貳互置近歲以來乃或並除損益時也何常之有故具列于土
俾來者得攷觀焉淳熙三年十一月記

青州謝上表

歐陽脩

掌國五兵叨進中臺之秩宣風一面俾綏東土之人祇荷寵雲
徒知殞越臣某中謝伏念臣學非通敏材實空疎幸逢千載之
休明誤被三朝之獎擢久陪法從常與政機國恩未報而身已
先衰世塗可畏而命亦多蹇頃緣災疾遂決退休敢期上惻於皇
慈未忍遽捐於舊物而復過承優渥以慰瘡殘惟孤拙之無堪
蹈艱危而已甚世之所榮者臣之所懼人以為寵者臣以為憂
是故輒殫悃幅之誠累贖高明之聽迫於危慮固避煩辭而聖
度并容寬其罪矣恩言屢降譬以叮嚀知成命之難回勉醜顏
而祇受而况全齊舊壤負海奧區民俗富完而鑿井耕田各安
其業詔條寬大而奉法守職足以脩官內省庸虛奚盼忝幸此
蓋伏遇皇帝陛下日新求治天覆推仁謂簪履雖為於賤微尚
堪收錄而犬馬苟豐於豢養猶可使令臣敢不策勵疲羸勤思
夙夜庶期盡瘁少荅鴻私

兵部侍郎

歷代沿革

兵部侍郎周官夏官小司馬中大夫也漢以來有
尚書侍郎後周依周官隋置兵部侍郎唐因之龍
朔為司戎少常伯光宅中為夏官侍郎後復故舊制一矣正
三品總章元年加一員掌武選地圖車馬甲械之政令凡軍
以籍統隸者閱習按試選募遷補宋元豐正名除許將試兵
部侍郎自此始也天元仍之置兵部侍郎

羣書要語

小司馬之職周禮祈父之貳夏卿之亞張九齡為
裴光庭碑入亞六卿共行司馬之法出臆九命俱

受元戎之律伯樂州記惟茲夏官實掌戎政簡稽調補今方其時司馬貳卿佐平邦國白集除柳公綽兵部侍郎制六卿之亞皆高選也而夏官實主武事還貳祈父用均爾勞曲阜除陳填

古今事實

未幾拜相

蔣伸字大直為兵部侍郎宣宗雅信愛伸每見咨天下得失伸三起三留曰他日不復對卿矣伸不喻未幾拜相云

仍令知選

盧承慶遷民部侍郎太宗尋令檢校兵部侍郎仍知選事承慶辭曰選事職在尚書臣今掌之便是越局太宗不許曰朕今信卿卿何不自信也

父子同省

唐崔湜為兵部侍郎父挹為兵部侍郎父子同為南省副貳有

文新十四

唐未有

祖先有勲

唐衛次公為兵部侍郎選人李勣徐有功之孫名在黜中公召而謂曰子之祖先勲在王府豈以常格並優秩而遣之

能紹祖奕

唐盧元輔端靖介正能紹其祖奕本傳

故有家風

唐太宗以揚洪禮有文武材擢為兵部侍郎入參機務出統衆攻戰太宗曰越公兒郎故有家風矣

弘武諷帝

唐楊弘武為司戎少常伯遷西臺帝嘗謂曰爾在我司授官多非其才何耶弘武曰臣妻剛悍此其所屬不敢違以諷帝用后言帝笑不罪

韋澳論諫

唐韋澳遷兵部侍郎与同寮蕭實深為宣宗所遇每二人同直無不召見詢訪時政有邦国刑政大事中使傳宣草詞澳心欲論諫却曰此一事須降御札方敢施行遲留至旦必論其可否上旨多從之

條奏八事

宋許將入為兵部侍郎條奏八事以為兵之事有二曰禁兵曰廂兵曰民兵馬之事有二曰養馬曰市馬曰牧馬兵器之事有二曰繕作曰給用東都事畧

首奏四事

宋周文忠公權兵部侍郎首奏四事曰重侍從增臺諫擇監司郡守又任監司郡守上曰皆今日要務也言行錄

手畫形勝

文新十四

九

宋王敏節庶為兵部侍郎對便殿口陳手畫秦隴形勝利害上大喜即日遷兵部尚書北盟會編

密言恢復

宋周簡惠公葵除兵部侍郎元顏亮斃張公自督府來朝密言恢復公請對謂不可輕舉累數千言上唯唯五月敗書聞上思公言以左中大夫參知政事平園集

力詆和議

宋兵部侍郎張壽力詆拜詔之議秦檜患之盡託疾在告檜使樓炤諭之曰此非闕人上欲以公為直院且早出壽大駭曰愈不敢出矣若使草國書豈能曲徇意旨哉壽嘗思之不過一去檜不能奪遂止中興條年錄

氣折羣配

宋李文敏公邴召為兵部侍郎苗刘反露刃宮門上登樓撫諭

公亟趨前叱苗劉等兇蹤稍息公扣宰相朱勝非問計策傳等皆在公反覆鑄詰人爲公危公无懼色太后垂簾勝非奏變故以來能助朝廷者惟李邴鄭毅乃除公翰林李士上賜親札略曰卿毅然正辭氣折群醜万衆動色具臣覩顏周益公集

公集

雜著

上兵部李侍郎書

韓愈

十二月九日將仕郎守江陵府法曹參軍韓愈謹上書侍郎閣下愈少鄙鈍於時事都不通曉家貧不足以自活應奉覓官凡二十年矣薄命不幸動遭讒謗進寸退尺卒无所成性本好文學因困厄悲愁无所告語遂得究窮於經傳史記百家之說沈潛乎訓義反復乎句讀龔磨乎事業而奮發乎文章凡自唐虞已來編簡所存大之爲河海高之爲山嶽明之爲日月幽之爲

文新十四

十

鬼神織之爲珠璣華實變之爲雷霆風雨奇辭奧旨靡不通達惟是鄙鈍不通曉於時事學成而道益窮年老而身益困私自憐悼悔其初心髮禿齒豁不見知己夫牛角之歌辭鄙而義拙堂下之言不書於傳記齊相率以相國叔向攜手以上然則非言之難爲聽而識之者難遇也伏以閣下內仁而外義行高而德鉅尚賢而考能哀窮而悼屈自江而西旣化而行矣今者入守內職爲朝廷大臣當天子新即位汲汲於理化之日出言率事宜必施設既有聽之之明又有振之之力審戚之歌駸明之言不發於左右則後而失其時矣謹獻舊文一卷扶樹教道有所明白南行詩一卷舒憂娛悲雜以瓌恠之言時俗之好所以諷於口而聽於耳也如賜覽觀亦有可采干蹟嚴尊伏增惶恐愈再拜

辭免兵部侍郎奏狀

周必大

褒遷過分震懼糜益臣竊以本朝置侍從官特異前代蓋欲其
精白一心論思獻納增重王國非專使治有司之事而已自元
豐改官制雖稍循周唐舊典分治六曹然班列浸高職業猶簡
委用之意夫豈徒然若時夏官尤號清選臣以凡庸之弊荷特
達之知五年之間兩兼攝貳略無補報有玷周行至於寓直禁
林執經崇政最為華近今悉冒居陛下虛心以求議論而臣喑
無一言陛下勵精以集事功而臣懦不舉職尚寬汰斥已是保
全復用何名更叨真拜而况早來奏對之際備聞天漿雖未披
於心腹已灼知其肺腑伏望聖明矜其自量非敢飾避特反惟
行之令誓堅圖報之心

謝兵部侍郎兼直學士院表

周必大

通班內閣已塵次對之華列屬中臺復冒亞卿之寵申命蓋坡
之直增光禁路之游稽首拜嘉省躬知愧臣其中謝臣竊以司

文新十四

十一

戎任重視草才難自非文武之兼資曷副國家之遴簡歷考正
元而後惟陸贄衛次公之並充載稽南渡以來有汪藻恭宗禮
之故事如臣未學誰企前修徒夙幸於遭逢獲徧儀於清要愚
蠢空侗之性每辱照知荒唐翫散之詞數蒙嘉獎首尾纔經於
五載攝承兩替於七兵未嘗明久假之心矧敢覬為真之命橫
黃金之帶驟拜新榮上白玉之堂便仍舊貫大恩所被小已奚
堪此蓋伏遇皇帝陛下剛健時行緝熙日就運堯帝之德而奄
有四海方懋乃聖乃神之功立周王之政而灼見俊心不輕常
伯常任之選孰公儒紱叨此詔除况資翰墨之所長尤匪疲駑
之可稱臣敢不竭其忠盡濟以靖其體元豐肇正於官名願效
論思之實念開寶初增於禁直勉圖潤色之工萬分可酬九殞
何憚

謝除兵部侍郎表

汪藻

東省瘵官方祈病免中臺分職乃誤優遷資逢世以非且寵逾
涯而益懼中謝伏念臣江湖遐裔章句小儒材不過庸僅及下
中之品學雖忘老安知左右之原偶陪多士之遊幸備公朝之
選徧誇清貫遂綴迹聯旋遭值於干戈獲奉承於羈勒才因事
見初無橫草之功裁与衰期乃有負薪之疾屢投誠於魏闕將
歸卧於漳濱猥蒙內史之書俾貳文昌之秩戎昭所繫儒絃奚
堪茲盖伏遇皇帝陛下睿智有臨憂勤無逸光復祖宗之舊既
已配天兼收文武之長未嘗愒日惟臣瑣質負國明恩竭股肱
之力而徒有此心譬腹背之毛而何裨於用耗糜廩食羞愧神
明不辭勉效於秋毫顧恐溢先於朝露周六典治凡之職雖幸
叨居洪九卿賜告之恩終期得請

兵部郎中

文新十四

十八

歷代沿革

周官大司馬屬官有軍司馬下大夫盖郎中之任也魏有五兵郎曹晉有七兵皆置郎中宋有中兵外兵騎兵後省騎兵齊因之梁陳有左右中兵左右外兵騎兵郎曹皆置侍郎亦郎中任也後魏因梁陳舊隋初為兵部侍郎又改兵曹郎唐武德改兵部郎中龍朔改司戎大夫咸亨光宅神龍隨曹改復宋初除潘良器本曹所治之事郎中負外郎參掌之建炎三年併省冗職以兵部郎中兼職方大元置兵部郎中

羣書要語

既忝夏官之屬元和制誥夏官之劇既參戎事之

殺權受五兵之部

司武之屬重于文昌

並同

上七兵之曹郎吏之選甚寵

南豐潘良器制

始寵七兵之秩用

服一臺之華

胡文恭呂公弼制

外兵之負

郭輔制

夏卿首曹中

臺妙選

張勗制

往踐五兵之屬

公是行周思永制

兵部郎中二

貞一在待從不居外省元徽之行楊嗣復制

古今事實

奏决若流

姚崇為夏官郎中契丹擾河北兵檄叢進崇奏决若流武后賢之拜侍郎

公務脩整

唐裴光庭轉兵部郎中既歷清要人未之許及在職公務脩整眾皆嘆服

所歷有聲

唐盧奕懷慎之子與兄渙齊名開元中任京兆司錄參軍天寶初為鄂縣令兵部郎中所歷有聲皆如渙之所治也

吏幹有稱

李愷歷兵部郎中愷有吏幹明於凡案甚有當官之稱

文新十四

十三

掌判帳判簿

唐兵部郎中二貞一貞堂判帳及天下武官之階品衛府之名數一貞掌判簿以總軍戎差遣之名數唐志

掌勳官簿書

掌武職勳官二衙及兵士簿書朝集祿賜假告差發武職告身事掌告身令

蕭原梁宰相傾之子性淳謹承事父母未嘗不束帶而見然性嗜酒無節職事弛慢為兵部郎中日掌告身印覃恩之次頗怠職事父傾為吏部尚書代原視即篆其散率如此五代史

兵部貞外郎

職外郎

周官大司馬屬官有司輿司馬上士後周依焉蓋貞外郎之任也隋開皇六年置兵部貞外郎煬帝

改兵曹承務郎唐改兵部員外郎龍朔三年改司戎員外郎咸亨光宅神龍隨曹改復宋諸司員外郎正七品兵部本曹所治之事員外郎參掌之天元仍唐宋舊置兵部員外郎

羣書要語

員外郎二人一人掌貢舉及雜請之事凡應舉之人有謀略才藝平射筒射皆待命以舉若州府歲貢皆勘責文狀而引試焉一人掌選院謂之南選曹每歲選人有解狀簿書資歷考課必由之以覈其實乃上三銓進用則書焉六典

嘉貞詳決

唐張嘉貞為兵部員外郎時功狀盈凡郎吏不能決嘉貞為詳處不闕旬庭無稽牒

正倫賢者

唐魏證薦杜正倫擢兵部員外郎太宗勞之曰朕舉賢者非朕

獨私以能益百姓也唐書

古今文集

雜著

兵部郎官題名記

周必大

本朝除郎之路雖廣而其要有三館閣一也寺監丞二也監司郡守三也近歲室其二卿監或可徑至而郎非歷監司郡守不可得其不輕而重也較然矣司馬列屬四中與初僅嘗備官建炎三年夏始以駕兼庫以兵兼職方其選清故平居無事多處文學之臣其權重故從軍若將命則往往假以為寵此其大略也隆興改元之五月復裁內外官於是駕部又當省而郎適贅讀王府有詔聽留需其遷勿補厥後間嘗並置要為有故而一員之制定矣其既與聞夏官之政廼刻長貳題名會同舍郎亦告石具以辭見屬老矣不文帖畢莫能措姑效掌故彙前人名氏

且粗記其因革云淳熙三年十二月十日周某記

兵部分掌

儀仗

。舊庫部

歷代沿革

周禮夏官有司甲下大夫為司戈盾弓矢之長各辨其物以待軍事皆庫部之任也**魏**始置庫部郎

晉

以後有郎中**後周**有小武藏大夫**隋**初為庫部侍郎煬帝

唐

為承務郎龍朔改司庫大夫咸亨復又為庫部員外郎龍朔

宋

以來隨曹改復**六典****宋**駕庫二部皆無所掌建炎中以駕部

兼領**大元**兵部令史分掌名頭

羣書要語

掌戎器

唐庫部郎中員外郎掌戎器鹵簿儀仗唐書

陸氏兄弟

皆有美譽

唐陸象先弟景倩景融景獻景裔歷河南令庫部郎中皆有美譽僧一行少時與象先兄弟相善嘗謂人曰陸氏兄弟皆有才行古之荀陳無以加也甚為當時所稱

示有止足

唐孔若思明經卒遷庫部郎中若思嘗謂人曰仕至郎中足矣至是持一石水滿於坐右以示有止足之意唐中

固辭不拜

宋江智深元嘉末除庫部郎中時高流官序不為臺郎智深門孤援寡獨有此選意甚不悅固辭不拜

詭對稱善

宋文帝宴會有荒外歸化人在坐帝問尚書庫部郎中顧琛曰

庫內仗有幾許琛詭對曰有十萬人仗舊武庫仗多秘不言帝既問悔失言及琛詭對善之

古今文集

古詩

寄贈庫部王郎中時充折糴使

盧綸

諤諤漢名臣從天令若春叙辭皆詔旨稱官即星辰草木承風偃雲雷施澤均威懋治粟尉恩洽讓田人泉貨方將散京抵白此陳五營俱益竈千里不停輪未遠金門籍旋清玉塞塵碩儒推慶重良友頌功頻鶴髮逢新鏡龍門躍舊鱗荷君偏有問深感浩難申

兵部分掌

緊慢置鋪驛走逆馬數 承發司文字
車輅 合給牌劄 既牧

○舊駕部

文新十

十

歷代沿革

周夏官之屬有輿司馬有校人主馬之官有牧師掌牧放布巾車掌公車之政及王之五輅皆駕部

之本也

魏晉尚書有駕部郎宋駕部屬左民尚書齊有之後

魏與地齊

並曰駕部郎中隋曰侍郎屬兵部唐龍朔改司輿

大夫咸亨復故天寶中改司駕至德復故宋駕部司事一人

以無職事朝官充輿輦車乘隸於大僕傳驛給受一出於樞

密院既牧之政總於群牧司本司無所掌元豐改制郎中員

外郎始實行本司事參掌輿輦車馬驛置既牧之事大札則

戒有司具五輅凡奉使之官赴闕視其官職及所治事給馬

如格官文書則量其遲速附馬步急逆應內外監牧租入多

寡孳產登耗皆檢察焉建炎三年以駕部兼庫部復併大僕

寺歸駕部紹興元年復裁內外官於是駕部又當省而即適

贊讀王府而詔聽留需其遷勿補厥後間或一置而一負之

制定矣大元因之兵部令史分掌名頭無專曹官

羣書要語

夏官輿司馬周禮擢司輿馬之政如寮除李倫制

輿馬輦乘之奉郵驛國牧之治中臺要務主以郎

官南豐擬制

甲冑弓矢之器乘輿函簿之式武藏之任郎選甚

高南豐駕部兼庫部制

詩句幽閑靜境別無事惟有南宮老駕兄白居易贈駕部吳郎

古今事考

孝昭閱簿

北齊馮子琮為駕部郎中攝庫部孝昭帝曾閱簿領試令口陳

子琮聞對無有遺失分紀

楊素拊床

李靖在隋為駕部員外郎左僕射楊素拊床謂曰卿終當坐此

公義竭忠

文苑十四

十七

隋辛公義為駕部郎勾檢馬牧所獲十餘萬匹帝嘉曰唯我公

義奉國竭忠通典

元亮清謹

崔元亮字晦叔為駕部員外郎清謹介特澹如也本傳

如覲美官

唐畢緘字存之為駕部員外郎故事要家勢人以倉駕一曹為

辱緘沛然如覲美官本傳互見倉部

不憚前行

中行刑戶不憚前行駕庫唐國史補

古今事考

律詩

駕部鄭郎中三十八丈丑貳東周祭加金紫谷以禾
派之外恩舊事深因賀送
鄭谷

香浮玉階曉辭天袍拂蒲茸稱少年郎署轉曹雖久次京河亞
尹是優賢縱游雲水無公事貴買琴書有俸錢今日龍門看松
雪探春明日向平泉

新編古今事文類聚卷之十四

新集

十四

南 江 富 大用 時可編

○六曹部

刑部尚書

歷代沿革

刑部尚書周之秋官卿也漢成帝時尚書初置二千石曹主郡國二千石又置三公曹主斷獄光武改三公曹主考課二千石曹掌中都官水火盜賊辭訟罪法

晉初依漢置三公尚書掌刑獄太康中省三公尚書以吏部尚書兼領刑獄宋始置都官尚書皆掌刑獄後魏北齊皆置都官尚書後周置大司寇卿隋初曰都官尚書開皇三年改為刑部唐龍朔二年改司刑太常伯咸亨後故武后改為秋官尚書神龍元年復天寶改司憲至德復宋刑部尚書侍郎

郎中止為階官尚書掌天下刑獄之政令而侍郎郎中員外郎分治其事大元刑部掌律令格式審定刑名奴婢配隸閔律機禁城門啓閉之事置令史分掌各頭以尚書為長

羣書要語

五曰秋官其屬六十掌邦刑周禮司寇蘇公式敬尔由獄以長我王国書之政司寇掌邦政詰奸慝

刑暴亂周官乃立秋官司寇使帥其屬而掌邦禁以佐王刑邦國周禮大司寇之職掌建邦之三典以佐王刑邦國詰四方同上司寇正刑明辟以聽獄訟聽之於棘木之下以獄之成告于王記王制大司寇以其成從質於天子同上官太子僕來奔季文子使司寇出諸竟左傳子為司寇將盜是務去 爽鳩氏司寇也並同上弼我五教掌茲三典常衮制掌其二典詰彼四方

記室新書 趙司秋典顏魯公集設官分職以司臬事中興題名

秋官古卿南豐擬制中臺八座典司邦禁同上丹筆平刑爰副

一人之欽，血歲奏類，淑問之臣，掌秋官。曲阜制秋卿恤刑事，无枉撓。又云：紹蔽帝於讒謔，尽例成於法理。唐大詔令國之二柄，在德與刑。邦之三典，推清与慎。大舜有欽恤之言，穆王有哀矜之教。爽鳩之為司寇，務在澤人。臯陶之作士師，期於致理。張鷟云

古人不事貴

不前僧胤

梁羊侃為都官尚書，官者張佃胤，侃侃曰：我牀非闔人所坐，竟不前之時，論美其真正。梁書

不处仙客

唐崔隱甫素介自守，以強正稱為刑部尚書。帝欲相之也，曰：牛仙客可也。語鄉常見否？曰：未也。帝曰：可見之。隱甫終不詣。他日又問對如初。帝乃不用。贊曰：嚴挺之拒宰相，不肯見李林甫。崔隱甫違詔不处牛仙客，信剛者乎？二人坐是皆不得相，彼亦各

文新十五

申其志也。唐崔隱甫傳

覆獄歎歎

唐劉祥道遷司刑大常伯，每覆大獄，必歎歎累歎，奏決之日為之不食。

上疏激切

唐顏真卿為檢校刑書，永泰中元載引用私黨，請百官凡欲論事，必先白長官。長官白宰相，然後聞奏。真卿上疏曰：天寶後李林甫威權日盛，羣臣不先咨宰相，輒奏事，不過託以他故，中傷猶不敢明約。百司今先白宰相，如今日之事，曠古未有。陛下不早寤悟，漸成孤立矣。其激切如此。於是中人筆寫內本布於外。

屈突固辭

屈突通為刑書，自以不習文，固辭改工部。並唐書

隱甫自守 見上注

庭無留事

李適之拜刑書夜則宴賞各決公務庭无留事本傳

刑斷減死

唐柳公綽為刑部尚書京兆人有姑鞭婦至死者府斷以償死公綽議曰尊毀卑非聞且其子在以妻而戮其母非教也竟得減死

領羽林監

梁元帝以沈重領江陵近都官尚書領羽林監又令於合歡殿講周禮後周書

息官省妖

宋徐孝先為都官尚書自晉以來尚書寮皆携家屬居省省在臺城內下舍門中有閣道東西跨路通于朝堂其第一即都官省西抵閣道年代久遠多有鬼恠每夜昏之際无故有声光或

文新十五

見人著衣冠從中出尚書周確卒於此省孝先代確郎居之經兩載妖變皆息時人咸以為真正所致

建議違制

宋王文正公曾在審刑日建議違制親被乃坐罪未幾外郡有以具獄讞聞章聖俾以違制坐之公以制非親被請從違失上可其奏言行錄

疑獄聽讞

宋燕肅字穆之知審刑院先是天下疑獄雖聽奏而州郡權得罪不敢讞故冤獄常多肅建請諸路疑獄皆聽讞有不當者釋其罪自是全活者衆東都事畧

議盜殺同黨法

宋韓忠獻琦知審院先是盜殺同黨既自已就捕例不抵死公曰此但并有其贓或就滅其口非有自新改過之心无足矜者

請更議其法乃詔盜殺其徒而不首者毋得原

奏刑不上大夫

宋蘇頌字子容神宗朝知審刑院知金州張仲宣受財枉法抵死法官援前比貸死杖脊黥配海島公奏古者刑不上大夫今刑為徒隸恐汗辱衣冠耳仲宣由是得免杖黥止流海外自是命官刑无杖黥者

古史文集

雜著

與鳳翔邢尚書書

韓愈

今閣下為王瓜牙為國藩垣威行如秋仁行如春戎狄棄甲而遠遁朝廷高枕而不虞是豈負大丈夫平生之志願哉豈負明天子非常之顧遇哉赫赫乎泚泚乎功業逐日以新名聲隨風而流宜乎謹呼海隅高談之士奔走天下慕義之人使或願馳

文新十五

四

一傳或願操一戈納君於唐虞收地於河湟然而未至乎是者蓋亦有說二豈非待士之道未甚厚遇士之禮未甚優請粗言其事閣下試詳而聽之夫士之來也必有求於閣下夫以貧賤而求於富貴正其宜也閣下之財不可以徧施於天下在擇其人之賢愚而厚薄等級之可也假如賢者至閣下乃一見之愚者至不得見焉則賢者莫不至而愚者日遠矣假如愚者至閣下以千金與之賢者至亦以千金與之則愚者莫不至而賢者日遠矣欲求得士之道尽於此而已欲求士之賢愚在於精鑿博采之而已精鑿於已固已得其十七八矣又博采於人百无一二遺者焉若果能是道愈見天下之竹帛不足書閣下之功德天下之金石不足頌閣下之形容矣

謝刑部尚書表

歐陽脩

職清書殿寔為儒者之榮峻天臺仍忝刑官之重內循調薄

仰玷光華臣其中謝伏念臣質稟迂愚粗知業履因時幸會遂竊寵榮无拾遺補闕之勤常陪法從非大冊高文之手久廁翰林晚綴宰寮俾聞國論荷三朝之眷遇每察懦衷幸四海之清平得容尸祿居滿盈而不戒積災曩以自貽屬聖統之嗣具赫皇明而繼照誣言詰服已大釋於群疑危跡保全俾不虧於素守犬馬盡思於報效桑榆柰迫於衰遲憂負悃私上干聰睿遂蒙開允俾解繁機然而晚節余生本期避寵清貧顯秩益更貪榮被優渥之非常但凌兢而失措此蓋伏遇皇帝陛下聖神御極亭育推仁閔孤拙之勢危无容自立謂疲駑之力竭難責遠圖曲軫至慈俯從誠請仍矜舊物特示殊恩顧非木石之頑宜識乾坤之造颯然素領雖難強於筋骸皎若丹心尤自期於塵露

辭免除權刑部尚書狀

吳永叔

文新十五

五

臣欽聞出綈愧若踐冰伏念某蜀之鄙人亡所尚似自為青袍朝士已閱九年及玷碧落侍臣亦幾三載制詞共千百篇而經濟少奏對凡十八疏而獻納踈聖恩重於丘山臣報微於毫髮蓋嘗以疾病之遭連而請外以鄉邦之顛覆而丐祠謂天蓋高曾是莫聽乃徑從於小宰遂晉長於秋卿華以一迂重於拜命載念士官之所掌寔於國脉而相關辭不賴臯陶之明何以布好生之德周不得蘇公之敬安能審用罰之中必惟良臣始稱公選若冒司於臬事恐紛致於人言欲望陛下矜察愚衷收回成渙量能授職亟改畀於時髦敕法清刑庶共登於漢道小臣獲免曠官之刺陛下不失知人之明

第二辭免

吳永叔

臣聞才為造物之所珍名者道家之深忌二陸以吳中之秀入洛官纔盛而毀來兩蘇以西州之彥同朝位益高而謗起矧不

令之兄弟亡前脩之典刑而臣擣詞玉堂簪筆荷橐職親地禁
終日不離文字之間選妙秩清群才半入銓衡之下雉不能於
鏗采龜不解於韜靈致彼胥讒納之危奔每荷陛下保全之力
寔如皇天生育之仁曾未報於隆恩迺復叨於異擢亟騰免續
以俟俞音盼春詔之十行魚有褒嘉之寵掌秋官之三典終非
克審之才敢遜忠賢庶安愚分

第三辭免

吳永叔

切謂文昌高於法從憲部重於諸曹訟牒滋繁非庸敏之才不
足以剖析情偽刑章紛委非諳通之識不足以分別科條如某
謾孳綴文未閑讀律使之討論潤色尚能奏薄技於詞林若曰
糾禁議詢何以宅嘉師於王國倘非遜避恐速顛踣伏望朝廷
察其被寵之若驚諒其控辭之非偽為敷陳於九陛庶畢達於
孤忠俾守舊官亟回新命

文新十五

刑部侍郎

歷代沿革

周之秋官小司寇中大夫也漢以來尚書侍郎後
周依周官刑部煬帝置刑部侍郎唐因之龍朔改為

司刑少常伯光宅中為秋官侍郎天寶中為憲部侍郎掌律
令刑法覆按大理及諸司應奏之事宋元豐正名除大理卿
崔台符為之大元仍唐宋舊置刑部侍郎

羣書要語

小司寇之職掌外朝之政以致萬民而詢焉周禮
周之秋官小司寇中大夫也六典擢亞秋官韓文

貳于刑劉琰制秋官亞卿曲阜制秋卿之貳佐平邦憲類
要秩貳秋官參執邦典南豐擬制俾踐白雲之司裴敷復制當

宣室受讞之際思蒲堂飲酒之言杜牧行李從誨制子曰罪尔
勿罪子曰寬尔勿寬同上小司寇之職以五聽聽獄訟求民情

一曰辭聽二曰色聽三曰氣聽四曰耳聽五曰目聽周禮以八
辟罷邦法附刑罰一曰議政之辟二曰議故之辟三曰議賢之
辟四曰議能之辟五曰議功之辟六曰議勤之辟七曰議貴之
辟八曰議賢之辟同上刑部侍郎一員掌天下刑法及徒隸勾
覆關禁之政令其屬有四總其職務行其制命凡中外咸質正
焉唐職官制唐有大獄即命御史中丞刑部侍郎大理卿充謂
之大三司使唐職林

古人之事實

東之相才

狄仁傑薦張柬之宰相才召為洛州司馬仁傑曰臣薦宰相而
為司馬非也乃授司刑少卿遷秋官侍郎張柬之傳

棲楚言授

室曆初宣中書以諫議大夫劉棲楚為刑侍丞郎宣授自此始

唐書

文新十子

七

劉瑒統類

劉瑒轉刑侍精於法律選制勅可用者議其輕重成一家書號
大中統類奏行之

王播格條

王播轉刑侍精於法律法寺議獻科條繁雜播備幸格條置之
座右凡有詳決疾速如神僚屬歎服

道裕言當

唐太宗時刑部侍郎有闕分執故妙擇其人奏皆不可太宗曰
朕得其人矣往昔李道裕議張亮云反刑未具此言當矣豈不
即從至今追悔遂授道裕

韓愈表諫

韓愈為刑侍憲宗遣使鳳翔迎佛骨入禁中愈上表極諫

請輕亡珠罪

宋呂公孺字稚卿元祐初為刑侍原唐亡珠繫治甚久公孺言
殿中主者不一前後代者未嘗以服御相授且諱日宮嬪往還
不一有所亡豈可指意吏卒獄虽具顧非聖裁不可上深以為
然國史本傳

奏斥伶人戲

元祐中駕幸凝祥池宴從臣伶人以先聖為戲刑部侍郎孔宗
翰奏唐文宗時嘗有為此戲者詔斥去之今豈宜有此詔付伶
官于理澠水燕談

論執殺人獄

初刑部有劫殺人獄侍郎彭汝劬引例乞加貸配執政不以為
是降特旨皆殺之汝劬執不可長編

平反迂官

文新十五

范百祿字功父除刑部侍郎有以強盜及故殺聞殺情可矜者
讞于朝法官援例貸免司馬光曰殺人不死則法廢矣百祿曰
謂之殺人則可制刑而以為不疑原情而以為无可憫則不可
百祿在刑部用法多所平反迂吏部侍郎東都事畧

平反被賜

陳曾公康伯謚文正兼刑部侍郎前此有司專用權臣風旨為
獄重輕公平反之故家多被其賜言行錄

平反辭賞

張文忠公九成兼刑侍一日法寺以成案上大辟公閱首末得
其情因請覆案囚果誣服者也奏黜之時法官抵罰而朝論欲
以為賞公辭曰職在詳刑而賣眾以邀賞可乎言行錄

古今文集

雜著

崔暉刑部侍郎致仕誥

王安石

仕焉而告老者自一命以上必有以慰其歸况吾迹臣恩紀所厚宜增位序以示褒優以尔具官某比以明揚义於煩使入參侍從出備藩維踐更滋多寄属推允引年辞位得礼之宜进式秋卿以荣居息古之士者非苟自秩其身唯慎行祗法以助成王德尔所知也往其懋哉

刑部郎中

職掌

周礼大司寇属官有士師下大夫盖郎中之任也漢尚書有二公曹後漢有二千石曹魏有都官曹皆掌刑法獄訟之事晋宋齊並以三公郎曹掌刑法獄置郎中一人隋初省三公曹置刑部曹掌刑法置侍郎一人唐因之武德改刑部郎中龍朔改司刑大夫咸亨光宅神龍並隨曹

文新十

九

復改宋元豐正名初除胡瑗桂筵炎詔刑部以二員為額紹興詔見任郎官依元豐舊法分左右厅治事從右司汪應辰之詔也大元仍唐宋舊置刑部郎中

羣書要語

周礼大司寇属官有士師下大夫盖郎官之任也六典宜正秋臺之聯進丞郎實之務胡文恭廖詢制刑者所以助治聖人尤謹中臺參綜郎選甚高南豐除韓晋卿制册筆議刑国網作重白雲司職人命是懸歲表類

古今事類

充定律令

魏有定科郎晋賈充定律令以裴楷為之職類

韓决奏讞

宋韓晋卿擢刑部郎中天下大辟請讞執政以為煩將劾不應讞者晋卿適白事省中因曰讞不至矣議者欲天下獄悉從奏

决晋卿曰恐罪人之死於獄多于伏辜者皆從之 長編

刑部員外郎

歷代公華

周礼大司寇屬官有上士後周依之蓋員外之任也隋開皇六年置刑部員外郎煬帝改憲部承務郎唐因之武德三年改刑部員外郎咸亨元年宅神龍並隨曹改復宋因之大元仍唐宋舊置刑部員外郎二人

羣書要語

郎中員外郎掌律法按覆大理及天下奏讞為尚書侍郎之式 唐書 亟則失情緩則留獄深則碍恕縱則生奸惟是囚者持刑之權 元稹馮宿刑部員外制

古今事實

小三司使

唐有大獄以刑部員外郎御史大夫大理寺官為之以决疑

謂之小三司使 職林

第一課最

韋夏卿以課最第一轉長安令改刑部員外郎 分紀

守法不撓

唐杜景佺為刑部員外郎守法不撓 本傳

遺直何加

令狐峘大曆中為刑部員外郎上疏諫山陵事詔答曰古之遺直何以加焉 本傳

又請小秋

杜牧頃於宰執求小儀不遂請小秋又不遂 尚書故實

可當是選

侍御史王鎰自居殿中能察非法連鞫庶獄多協平允加以溫靜專可當是選一歲之獄决在秋冬今方其時宜敬乃職 白

居易任鑑刑部負外制

秩進知州

至道初張昱為刑部負外郎兩川安撫奏昱授昱諸司使知雅州上以省郎之重不欲換他職故進秩加賜令服而遣

例藏刑部

元祐元年三省言中書置刑房檢例官從之獨刑部負外郎劉賡上疏言元豐官制以例藏刑部可比則取鈔不可則取旨今非故事詔如所請而例復藏刑部自是中外奏讞无所避矣九朝通畧

刑部八掌

關津機禁 城門啓閉

○舊司門

歷代沿革

周禮大司徒屬官有司門上士司門下大夫後周依周官有小司門隋開皇置司門侍郎煬帝去侍

文新十一

十一

字又置負外郎煬帝改承務郎唐因之加中字龍朔改司門大夫咸亨復宋因之大元刑部令史分掌名頭无專曹官

羣書要語

司門掌授管鍵以啓閉國門周禮

古今事貫

掌出入闡遺

郎中負外郎掌門闡出入之籍及闡遺之物唐書又掌門籍闡棧及道路所闡遺物之事職負

古今文集

雜著

司門厅壁記

任希夷

門官之設尚矣在周為司門在漢其名不一曰戶郎曰門侯皆其任也宋朝監省門用內三品元豐中裕陵聖訓謂內侍者以

與外庭臣僚无交際得以尽情幾察爰自中興駐蹕臨安三省
樞密院俱列皇城之外內侍不時至則參之小使臣人微官薄
不足以誰何嘉定六年秋始用諫大夫議增置監門官一員以
京朝宰邑有治理效者為之初命奉議郎前知嚴州淳安縣楊
恕而內侍猶為機察導舊制也于時政事之府更葺一新堂宇
崇成体勢隆峻嚴嚴翼翼輪馬與馬至於門廡徑術而莫不斤
而大之氣象休美過者祇肅於是更置專官以重其任蓋將謹
命令所出之原尊朝廷无競之勢示于外者若是則嚴乎中者
可知施于下者若是則發乎上者又可知矣居是職者可不思
以称上旨哉或以語楊君曰昝庭退朝飛蓋來下袞繡焜煌車
騎雜戢呵道告門先声震疊又凡出入于斯多達官顯人從以
蒼頭后兒謹謹旁午不特御者洋洋而已司門之官逡巡跼蹐
兩彘之側其於伺察也不亦難乎又將不有以動其中乎則告

之曰昔蕭望之射策甲科尚為小苑東門侯仲翁以抱關譏之
以各從其志其後卒為漢名傳蓋一命以上皆有常職所當尽
吾事而已奚有於他慕哉楊君勉之併以告諸來者

司門員外郎壁記

權德輿

周官司門為司徒之屬今為司寇之屬員外郎於周為上士後
數更其名至隋為承務郎武德初方定為今制秩從六品上大
凡自漢魏以還典曹理事雖時有汙崇官有輕重或百職耗廢
雜而多端而郎位曠然未嘗有鹵莽進越非其任者蓋宗公貴
仕多由此塗出所以儲時才練官業必於是焉方今車書尉候
通道旁午而斯任尤劇彭城仲子陵脩詞以筮仕說經有師道
自博士祠部郎稍遷于茲且以南輟銓藻之勤又次而後至循
性自牧闇然君子之道也况大雅之匪懈孔門之政事古誼家
法又於講貫遵脩砥礪其可量邪至若門闕出入之籍設險閉

邠之義譏而不征守而不紊列在令典端如貫珠故可略於此
仲侯以故志屋壁之際欲壞磨滅使鄙夫書而補之貞元辛巳
歲夏六月記

新編古今事文類聚卷之十五

新集

南 江 富 大用 時可編

六曹部

工部尚書

歷代沿革

周之冬官卿也**漢**成帝初置尚書有民曹主吏人
 上書光武改民曹主繕修功作鹽池園死事**魏**置
 左民尚書**晉**宋有起部尚書**後周**有冬官大司空卿掌五材
 九範之法**隋**有工部尚書**唐**因之龍朔改為司平咸亨復武
 后改為冬官神龍復總判工部屯田虞部水部事**宋**工部判
 部事一人以兩制以上充凡城池土木工役皆隸三司修造
 案本曹无所掌元豐官制行尚書工部掌天下城池宮室舟
 車器械符印錢室之事百工山澤溝洫屯田之政令是時尚

書猶未除人紹興三年併少府監歸工部以文思院屬焉
 文思院舊屬少府監至是以少府監併於工部故文思院監

官乃今工部辟差 **大元**工部掌修造營建法式諸作工匠屯

田山林川澤之禁江河隄岸道路橋梁之事置令史分掌名
 頭以尚書為長

羣書要語

六曰冬官其屬六十掌邦事 **周**禮 舜曰咨四岳有
 能奮庸熙帝之載使宅百揆亮采惠疇僉曰伯禹

作司空 **書** 舜典 帝曰疇若予工僉曰垂哉帝曰俞咨垂汝共工
 同上 宏父定辟 **酒** 宏父司空 **酒** 詔 司空掌邦土居四民時地利

周官 六職百工与居一焉 **周**禮 審曲面執以飭五材以辨民器

謂之百工 同上 鳴鳩氏司空也 **左**傳 五雉為五工正 同上 國有

六職百工与居一焉 **禮** 考工記 程品之重有若百工號令之先

尤難六職 **唐** 大詔令 冬卿常伯 **楊** 億代謝表 中臺起曹訓匠建

事南史豈擬制尚書漢公卿也言動可否屬人耳目固不專於率

四屬程百工修位於冬官而已白集韋貫之制平百官之上書

飭五材以辨器非國之髦碩詳於典制則不可以綜事訓工建

明理本也常集五材是宜百工惟叙城郭都鄙定其規土農工

商得其所記室新書

古今事實

耿在司空

唐張鷟位當玄武之官耿在司空之任虞舜之代伯禹統其班

周成之朝毛公處其地

代為八座

唐閻立本代兄立德為工部尚書兄弟相代為八座時人榮之

長孫稱耿

長孫平為工部尚書名為稱耿隋書

文新十六

二

三

大義剛烈

李大義為工書性忠謹外若不能言而內剛烈不可干非其義

甚著勞績

鄭善果為工部尚書止身奉法甚著勞績唐新語

不治產業

于休烈為工部尚書不治產業樂賢下善推轂士甚衆並唐書

創軍國器

陳從易為起部尚書巧思過人軍國器械多所創立陳書

構太極殿

初侯景二年殿被焚承聖中議營之獨欠一柱至陳高祖時忽

有樟木大十八圍長四丈五尺流泊陶家後監軍鄒子度以聞

詔中書令沈衆兼起部尚書構太極殿

請斥佞人

宋元符二年曾布之相也御史中丞豐稷欲率臺屬論之遂遷稷工部尚書稷力丐補外不允謝表有內侍已成於怨府佞人方剡於奏章之語上問佞人爲誰曰曾布陛下斥布則天下事定矣

編年備考

召訪政事

張忠簡公闡擢工部尚書兼侍讀初上用真宗故事命經筵官二員遞季士院朝夕宣召商確古今諮訪政事公入對尤數知无不言屢引疾丐閑上曰朕所以知外事皆賴尚書工部一書相從久忍言去邪

韓愈文集

雜著

韓愈送鄭尚書序

嶺之南其州七十其二十二隸嶺南節度府其四十餘分四府

文新十一

府各置帥然獨嶺南節度為大府大府始至四府必使其佐啓問起居謝守地不得即賀以為禮歲時必遣賀問致水土物大府帥或道過其府帥必戎服左握刀右屬弓矢帕首袴鞬迎郊及既至大府帥先入據館帥守屏若將趨入拜庭之爲者大府與之為讓至一再乃敢改服以賓主見適位執爵皆與拜不許乃止度若小侯之事大國有大事諮而後行隸府之州離府遠者至三千里懸隔山海使必數月而後能至蠻夷悍輕易怨以變其南皆岸大海多洲島颿風一日踔數千里漫瀾不見蹤跡控御失所依險阻結黨仇機毒矢以待將吏撞楯呼號以相和應蜂屯蟻雜不可爬梳好則人怒則獸故常薄其征入簡節而踈目時有所遺漏不究切之長養以兒子至紛不可治乃草薙而禽狝之尺根株痛斷乃止其海外雜國若耽浮羅流求毛人夷亶之州林邑扶南真臘于陀利之屬東南際天地以萬數

或時候風潮朝貢蠻胡賈人舶交海中若嶺南帥得其人則一
刃及治不相寇盜賊殺无風魚之灾水旱疠毒之患外国之貨
日至珠香象犀玳瑁奇物溢於中国不可勝用故選帥常重於
他鎮非有文武威風知大体可畏信者則不幸往有事長慶
三年四月以工部尚書鄭公為刑部尚書兼御史大夫往踐其
任鄭公嘗以前鎮襄陽入帥滄景德隸歷河南尹華州刺史皆
有功德可稱道入朝為金吾將軍散騎常侍工部侍郎尚書家
屬百人无数畝之宅儼屋以居可謂貴而能貧為仁者不富之
效也及是命朝廷莫不悅將行公卿大夫士苟能詩者咸相率
為詩以美朝政以慰公南行之思韻必以來字者所以祝公成
政而來歸疾也

工部侍郎

文新十六

歷代沿革

周之冬官小司空中大夫也**隋**煬帝改置工部侍
郎工部尚書統侍郎二人**唐**因之龍朔改為司平
少常伯咸亨復他時曹名或改而官不易**宋**元豐正名初除熊
本**大元**仍宋制置之

羣書要語

百工惟時命汝典制常察制起曹書殿兼而委之
白集工侍兼集賢殿制共工之貳南豐擬制飭五
材程匠事冬官寵列俾介厥司同上冬官之貳方此得人疇若
予工汝為已試曲阜郭知章制疇若予工汝往為允紀綱繕修
之政杜塞淫巧之作曲阜制

古今事考

有宰相望

唐李懷筠字貞一為工部侍郎魁然有宰相望本傳
得中書資

帝問蘇頲有工部侍郎得中書侍郎者乎對曰陛下任賢惟所命何資之計唐書

重惜名器

宋太祖重惜名器錢昱自白州刺史求文資得秘書監遷工部侍郎連典數郡无治声上謂宰相曰此貴家子不可以任丞郎改郢州團練使韋諱

求拜退章

宋端拱元年工部侍郎同知朝京官考課雷德驥求致政先是与趙晉不協晉再入相制下之日德驥方立朝不齋笏墮遂拜章求退晉之讎也

指陳实事

宋張忠簡權工部侍郎給札侍從臺諫條具時務公上十事時應詔數十人惟公与国子司業王十朋指陳十事斥言權倖无

文新十六

所回隱明日上召兩人對内殿大加稱賞賜酒者再回授御書一軸

首言典彜

楊龜山先生時為工部侍郎入對首言自古聖賢之君未有不以典彜為務以君德在是故也尋命兼侍讀長編

工部郎中

歷代沿革

周禮大司寇屬官下大夫蓋郎中之任也**晉****宋**齊皆有起部郎中宋起部郎不常置**梁****陳**改置起部侍郎**隋**初為工部侍郎煬帝改起部**唐**武德改工部郎中龍朔改司平大夫咸亨復光宅神龍並隨曹改復**宋**元豐正名初除范子奇高遵惠**大元**因之置工部郎中

君事書要語

冬卿之屬公是行李微之中臺起曹郎選尤重曲阜制宮室城隍程匠度材之事郎於起部其選

甚高南豐范子奇制郎吏今之高選工官號為劇曹張元方制

詩 身竟省郎在家須農事歸杜甫不才名位晚敢恨省郎遲

同上漢之府書樓郎官幸備員欲陳濟世策已老尚書郎雖

為尚書郎不及村野人馨香粉署研並杜詩注公時乃工部

員郎不能詣省徒想其官署之妍美耳

古今事考

掌程式

唐工部郎中員外郎掌巡營與造之衆務凡城池之修濬土木

之繕葺工匠程式咸經度之六典又掌與造工匠諸公廨舍宇

五行紙筆之事職員令

知制誥

宋范杲以工部郎中知制誥會要

古今文集

文新十六

の

律詩

贈工部郎中一首

王建

金炉煙裏要班頭欲得歸山可自由每度報朝愁入閣在先教

示小千牛

工部員外郎

歷代沿革

後周依周禮制置小司空蓋員外之職也隋開皇

六年置工部員外郎煬帝改起部承務郎唐改為

工部員外郎龍朔三年改司平員外郎咸亨光宅神龍隋改

復宋仍唐舊大元置一人

羣書要語

隋朝二十四司各置員外郎一人以司其曹之帳

藉昔陶弘景代之高義始願四十為尚書郎而不

遂國朝選著尤因其良元植授羅讓工部員外郎制

馨香粉署妍 杜詩公時為工部員外郎不能詣省徒想

其官署妍美耳 欲陳濟世策已老尚書郎 杜詩不才名位晚敢

恨省郎遲 杜夔府書懷郎官幸備員同上 雖為尚書郎不及村

野人同上

古今事考

杜甫獻賦

杜甫有詩名元宗時獻朝響晉太清宮賦拜官祿山陷京師元宗幸蜀肅宗即位於靈武甫間關奔詣行在拜左拾遺因房琯罷相甫諫不納請告省家後嚴武辟為幕府拜工部員外郎劔南西川節度府參謀官本記

蔣係泣諫

蔣係迂工部員外郎又迂郎中宰相宋申錫為北軍羅織罪在不測係與諫官崔玄亮泣諫於玉階之下申錫方減死時論稱

之唐書

工部分掌

山林川澤之禁

舊虞部

歷代沿革

周禮有山虞澤虞蓋虞部之職也魏始有虞部郎中晉因之宋齊省梁陳為侍郎隋為承務郎唐龍朔為司虞大夫咸亨隨曹改復宋虞部无所掌以屯田郎兼之天元工部以令史分掌

羣書要語

汝作朕虞書舜典

山虞掌山林之政令澤虞掌國澤之政令周禮帝曰疇若予上下草木鳥獸食曰益哉帝曰俞咨益

古今事實

職掌山澤

唐郎中員外郎掌京都衢闕苑囿山澤草木及百蠻蕃客時蔬

薪炭供頓畋獵之事唐書

虞衡之守

蒐田以時澤梁有禁虞衡之守所以遂嘉生參化育南曲以擬制

工部分掌

都水監都水

舊水部

歷代公華

後周冬官有司水中大夫有司水土士隋文帝有
水部侍郎煬帝改承務郎唐復故龍朔改司水大
夫咸亨隨曹改復宋水部无所掌大元設都水監都水一員
並隸工部

羣書要語

川衡掌巡川澤之禁令周禮

詩句省中官最美無似水曹郎李餘慶

古今事實

掌津濟運漕

唐郎中負外郎掌津濟舩艦渠梁隄堰溝洫漁捕運漕碾磑之
事唐書

新編古今事文類聚卷之十六

新集

樞密院部

樞密院

行樞密院同

歷代沿革

唐代宗永泰中置內樞密使始以宦者為之初不置司局但有屋三楹貯文書而已其職掌惟承受表奏於內中進呈若人主有所處分則宣付中書門下施行而已永泰中宦官董廷秀參掌樞密事長慶中王守澄知樞密事舊左右軍容多入為樞密亦無視事之聽後僖昭時楊復恭西門季玄欲奪宰相權乃於堂狀後帖黃指揮公事此其始也**後梁**革唐世宦官之弊開平元年改樞密院為崇政院**唐**莊宗同光元年復以崇政院為樞密院**晉**天福中以桑

維翰知樞密院事四年廢樞密院以劉處謙兼樞密奏議多不稱旨又處謙丁內憂遂廢其院開運元年復置**周**顯德六

年范質王溥並參知樞密院事**宋**樞密院與中書對持文武

二柄號為二府太平興國四年以石熙載為樞密直學士以簽書院事簽書之名始此淳化三年以張遜知院事温仲舒

寇準同知院事同知院之名始此治平中以郭達同簽書院事同簽書之名始此時陳升之三至樞府神宗欲稍異其礼

乃以為知院元豐改官制議者欲廢密院歸兵部神宗曰祖宗不以兵柄歸有司故專命官統之互相維制不從然以密

院聯職輔弼非出使之名乃定置知院同知院二人專以兵機軍政為職**大元**置樞密院掌凡武備機密之事有樞密使

同知又有副使簽書同簽書其屬有判官經歷都事照磨管勾等職在外又置行樞密院自副使始以下諸職皆同

羣書要語

樞密院掌天子之機務及天下边境軍馬之政令

會要宥密之府總樞密於萬微王禹偁制樞謨靖

密王曾制聽解神機之劇小畜集典温省之務胡文恭行王疇

妻制仍冠中樞温公撰路公碑宜冠聯於樞省王岐公集天樞

環樞神兵會府又彦博制北樞之躔筦典神務賜張耆詔擢贊

上樞回蔡樞旋冠謨於宥省贈曾公亮批劄樞要之司六一集

密勿之司楊文公表樞使知院典機務掌兵政出納密命以佐

邦治續會要知院掌佐天子執兵政同上宜總鴻樞温公集丹

地廻翔便總萬機之任成表類

詩曰惟仲淹弼一夔一契天實賁予予其敢忽曰衍汝來汝予

黃髮遂長樞府兵政無蹶予早識琦琦有奇骨可屬大事重厚

如勃石徂徠聖德詩

天樞

後漢皇帝紀注春秋運斗樞北斗第一天樞第二天樞第三璣也

西樞

熙寧二年詔曰國家以西樞內輔翊贊本兵任為重矣

專掌兵籍

李綱除知樞密院奏云祖宗之法樞密院事掌兵籍虎符二衙
管軍諸路帥臣主兵柄各有分守所以維持軍政万世不易之
法也傳信錄

專統兵機

李綱以右丞被命樞筦奏云伏蒙聖恩除知樞密院事以被命
鴻樞專統兵機宜得魁奇英偉之人以居其任同上

三省聚議

常事密院自行至涉边則三省聚議謂之開南廳詔源明家塾

三省同議

神宗改官制大事三省共密院同議進呈畫旨稱三省樞密院同奉聖旨三省官皆同簽付樞密院行之小事獨取旨行訖關三省每朝三省樞密院先同對樞密退待於殿廬三省始留進呈三省事退樞密院再上進呈獨取旨遂為定制同前

呈本院事

施大資點與樞密周公呈本院事上曰適來一二事卿等各陳所見甚關朝廷大體公復奏曰臣蒙陛下擢用日愧素餐疊蒙聖訓敢不竭股肱之力言行錄

爭西府事

韓魏公曰慶曆中王希文彥國同在西府上前爭事議論各別下殿各不失和氣如未嘗爭也當時相善二人正如推車子益其心主於車可行而已不為己也魏公別錄

文新十七

發宣頭帖

郭崇韜安重誨為樞密使始分領政事不由中書直行下者謂之宣如中書之勅小事則發頭子擬堂帖也至今樞密院用宣及頭子家數廣記

陳朝廷体

施大資點與樞密周公陳本院事上曰卿等各陳所見甚關朝廷大體

周知世務

李諮字仲詢謚憲成為知樞密院事諮性明達周知世務處劇若間暇在樞府抑僥倖号為稱職東都事畧

召問治要

張忠定公熹字子公孝宗受禪召除同知樞密院事問為治之要公言內治乃可以外攘願詔百執事赴都省給禮條具上大

喜於是士夫欲言不能自達者織悉聞矣言行錄

托以腹心

呂公著復同知樞密院事神宗手詔曰顧在廷之人有可以托中外腹心之寄均皇家休戚之重无逾卿者可亟起視事

收之桑榆

呂公著拜同知樞密院事公著謝因奏曰臣老於間外蒙陛下收之桑榆唯知拳拳納忠以報恩

權衡人才

呂公著好士出於天性士大夫有以人物為意者必問其所知所聞參覈以待上求上嘗謂輔臣曰公著之於人材其言不欺如權衡之於稱物也通畧

筆識諸將

劉忠肅公珙字共父乾道三年擢同知樞密院公以本兵柄於

文新十七

甲

四六

諸將之能否不可以不周知乃自諸管軍統領官下至裨將佐日召三四人與語得其材用所宜輒筆識之以待選用晦庵文集

古今文集

雜著

上韓樞密書

蘇詢

太尉執事洵著書无他長及言兵事論古今形勢至自比賈誼所獻權書雖古人已往成敗之迹苟深曉其義施之於今无所不可昨因請見求進未議太尉許諾謹撰其說言語朴直非有驚世絕俗之談甚高難行之論太尉取其大綱而无責其纖悉盖古者非用兵決勝之為難而養兵不用之可畏今夫水激之山放之海決之為溝塍壅之為沼沚是天下之人能之委江河注淮泗匯為洪波瀾為大湖萬世之不溢者自禹之後未之見也夫兵者聚天下不義之徒授之以不仁之器而教之以殺人

之事夫惟天下之未安盜賊之未殄然後有以施其不義之心用其不仁之器而試其殺人之事當是之時勇者無餘力智者無餘謀巧者無餘技故其不義之心變而爲忠不仁之器加之於不仁而殺人之事施之於當殺及夫天下既平盜賊既殄不義之徒聚而不散勇者有餘力則思以爲亂智者有餘謀則思以爲姦巧者有餘技則思以爲詐於是天下之患雜然出矣蓋虎豹終日而不殺則跳踉大叫以發其怒蝮蝎終日而不螫則噬齧草木以致其毒其理固然無足恠者昔者劉項奮臂於草莽之間秦楚無賴子弟千百爲輩爭起而應者不可勝數轉瞬五六年天下厭兵項藉死而高祖亦已老矣方是時分土諸將改定律令與天下休息而韓信黥布之徒相繼而起者七國高祖死於介冑之間而莫能止也連延及於呂氏之禍訖孝文而後定是何起之易而收之難也劉項之勢初若決河順流而下

誠有可喜及其崩潰四出放乎數百里之間拱手而莫能救也嗚呼不有聖人何以善其後太祖太宗躬環甲冑跋涉險阻以斬刈四方之蓬蒿用兵數十年謀臣猛將滿天下一旦卷甲而休之傳四世而天下無變此何術也荆楚九江之地不分於諸將而韓信黥布之徒無以啓其心也雖然天下無變而兵久不用則其不義之心蓄而無所發飽食優游求逞於良民觀其平居無事出怨言以邀其上一旦有急是非人得千金不可使也往年詔天下繕完城地西川之事洵實親見九郡縣之富民幸而籍其名得錢數百方以爲酒食餽餉之用柝聲未絕城輒隨壞如此者數年而後定卒事官吏相賀卒徒相矜古戰勝凱旋而待賞者比來京師遊阡陌間其曹往往偶語無所諱忌聞之士人方春時尤不忍聞蓋時五六月矣會京師憂大水鋤犁畚築列于兩河之壩縣官日費千萬傳呼勞問之聲不絕者數十

里猶且賄賄狼顧莫肯效用且夫內之如京師之所聞外之如西川之所親見天下之勢今如何也御將者天子之事也御兵者將之職也天子者養尊而處優植思而取名與天下爲喜樂者也故其道不可以御兵人臣執法而不求情盡心而不求名出死力以捍社稷使天下之心繫於一人而已不與焉故御兵者人臣之事不可以累天子也今之所患大臣好名而懼謗好名則多植私恩懼謗則執法不堅是以天下之兵豪縱至此而莫之或制也頃者狄公在樞府号爲寬厚愛人狎昵士卒得其懽心而大尉適承其後彼狄公者知御外之術而不知治內之道此邊將材也古者兵在外愛將軍而忘天子在內愛天子而忘將軍愛將軍所以戰愛天子所以守狄公以其御外之心而施諸其內大尉不反其道而何以爲治或者以爲兵久驕不治一旦繩以法恐因以生亂昔者郭子儀去河南李光弼實代之

文新十七

二

將至之日張用濟斬於轅門三軍股慄夫以臨淮之悍而代汾陽之長者三軍之士竦然如赤子之脫慈母之懷而立乎嚴師之側何亂之敢生且夫天子者天下之父母也將相者天下之師也師雖嚴赤子不敢以怨其父母將相雖厲天下不敢以咎其君其勢然也天子者可以生人可以殺人故天下望其生及其殺之也天下曰是天子殺之故天子不可以多殺人人臣奉天子之法雖多殺天下無以歸怨此先王所以威懷天下之術也伏惟太尉思天下所以長久之道而無務一時之名盡至公之心而無恤三軍之多言夫天子惟深仁以結其心太尉厲武威以振其墮彼其思天子之深仁則畏而不至於怨思太尉之威武則愛而不至於驕君臣之體順而畏愛之道立非太尉吾誰望耶

上黃樞密書

朱晦庵

竊聞虜酋隕命種人遁走淮北遺民悉降我師此蓋天命眷顧宗廟社稷之靈肅清中原以全畀付莫大之慶海內同之然熹之愚慮獨不勝私憂過計敢以布于下執事蓋自戊午講和以至于今二十餘年朝政不綱兵備弛廢國勢衰弱內外空虛近歲以來天啓聖心稍加振理時復漸有條緒然宿弊已深非得同心同德之臣素為海內所屬望者為之輔佐進賢退奸條滯補弊要之以盡而持之以久使其勢翕然而大變則未可以有為也前日不量事勢亟下親征之詔則既失之易矣然理直言順庶幾有成事同發機有進無退而曠日引月不聞進發之期任國政者不聞有寇忠愍之謀典宿衛者不聞有高武烈之請使諸將惰心六軍解躰虜騎橫突深入兩淮兵少而敵益強事急而糧已匱於是戒嚴未及兩月而募兵科借之禍已及民矣向非天佑皇家降罰于彼則勝負之決蓋未可知今日之事其

不可謂諸公謀於廟堂之效羣帥攻城野戰之功亦已明矣愚謂君臣相戒兢慎祇肅改圖柄任益脩政理以答揚上天眷顧之命不宜坐虞鄰國之難以幸為利而遽自以為安也抑今中原之地幅員萬里虜人奔走震駭之餘力未能爭朝廷坐視而不取非以計取之則功緒廣而勞費多此正安危得失之機差之毫釐繆以千里不可以不審也熹切以為必能因其人以守因其糧以食使東南之力不困然後根本固而不搖必有以大慰其來蘇之望而深結其同濟之心使西北之情益堅然後藩籬密而可恃必使虜人他日痛定力全之後不能復窺吾廬龍之塞然後朝謁陵廟還反舊京之事乃可言也不然今日朝廷之上侍從之列誰為能辦此者如舊人之賢起而未用者一二公使之出則重於今日視師之人如之政則賢於今日秉均之士獨恐朝廷終不聽用則無如之何耳失今不早為計虜人士

大中祥符七年以王嗣宗曹利用並為檢校太保充樞密副使亦不帶正官開寶九年以曹彬為樞密使領忠武軍節度使樞密使帶節度自此始也至道二年以鎮海軍節度曹彬兼侍中充樞密使彬自節鎮入罷旄鉞太平興國六年以樞密副使石熙載為戶部尚書充樞密使以文資正官充使自此始也大中祥符五年以知樞密院王欽若陳堯叟同中書門下平章事充樞密使儒臣為樞密使相自此始也皇祐五年制以樞密使高若訥為尚書左丞觀文殿學士兼翰林侍讀學士同群牧制置使故事罷樞密使當學士院降麻及若訥罷但令舍人草詞遂以為例元豐官制行罷使副紹興七年詔省密本兵之地事權且重可依故事置樞密使副使閏月詔宰臣兼使同月詔樞使立班序並依宰相例軋道五年以虞允文為樞密使立班恩數並依宰臣大元亦置樞密使

樞密使

遂古折寺過武宗排佛如韓愈盡髮群必芻使之藝禾黍兵威遂強盛人力不耗蠹世宗征淮甸委任當留務馬前拜侯伯階下列椹斧叱咤氣生風將校汗如雨手築太平基胼胝不輟杵具瞻人有望衰運時不與云云世豈乏賢良材難具文武曆象過曦和文章敵燕許可能隨眾人冥冥歸塵土

歷代公華

唐初延英宰相奏事樞密使立侍得預聞五代後廢樞密院開運元年復置周亦有之宋初魏仁浦以宰相兼樞密使建隆三年以樞密副使兵部侍郎趙普為檢校太保充樞密使不帶正官自普始也又以宣徽北院使李處耘為南院使兼樞密副使自五代以來凡樞密院官皆文武參用

舊例樞密使未帶使相省不宣麻至周太祖初潛歷試是任乃
宣制於公朝今之宣麻自周太祖始續翰林志

東院行印

後唐樞密使凡東西院二員宋朝亦東西院但行東院印會要
殿西候旨

唐大中故事對延英兩中尉先降樞密使候旨殿西宰相奏事
畢案前受事

號稱二府

樞密使宋朝首命趙韓王普時號稱二府禮遇无間每朝奏事
與中書先後上所言兩不相知祖宗亦賴此以聞異同用分宰
相之權會要

典掌萬機

太平興國八年王顯充樞密使上召謂曰卿代非儒門必寡孝

又詳見樞密院門

文新十七

十

四令八

羣書要語

自贊襄於衮職宜總領於星樞王隋制置使典樞
本兵總務胡文恭制法樞置弼陪幄議兵同上召

置首樞付畀大柄批答宋庠表位登樞宥之冠蘇魏公集顯膺

制命首贊樞庭六一集尚虛黃閣之居始建紫樞之位光膺

制命登贊國機並同上頃陪談於宰塗旋冠謨於宥省歲表類

導上帝之命象在北樞本天下之兵侔于台府參裨四輔冠

領萬樞並同上位冠中書除文彥博制

古今事實

降麻閣門

唐僖宗乾符六年以李順融為樞密使降白麻於閣門出案与
將相同通鑑

宣麻公廟

諸軍稟畏

周太祖之將鎮鄴也蘇逢吉請落樞密使曰樞密之任方鎮帶之非便史洪肇曰兼帶樞密所冀諸軍稟畏逢吉曰此國家之事也且以內制外則順以外制內豈得便耶事虽不從物議多之

周知四方

曾魯國宣靖公公亮字明仲拜樞密使公在政府修紀綱除弊事裁損冗兵又更制圖籍以周知四方兵數登耗三路屯戍衆寡地里遠近言行錄

不錯一事

王文定公召拜樞密使公在右府爰邊思戢動中機會江西賴文政郝冠陳峒李接之變淮陰劫寇等公應酬羽書号令賞罰明審平當上亦稱其毫釐不差樞密錢良臣語公曰近郭隸嘗

文新十七

十一

問今在朕左右典掌万機固无暇博覽群書命左右取軍戒三篇賜之曰讀此則可以免面墻矣同前

位極人臣

莊宗朝郭崇韜為樞密使崇韜既位極人臣權兼內外謀猷獻納必盡忠規士族朝論頗以收獎人物內外翕然稱之五代史

權侷宰相

梁之崇政使乃唐樞密之職盖出納之任也至梁始用士人其備顧問參謀議于中則有之未始專行事於外也至崇韜重誨為之始復唐樞密之名然權侷宰相矣後世因之遂分為二文事任宰相武事任樞密安重誨傳

百度復理

晉復置樞密院以桑維翰為使事無巨細一以委之數月之間百度復理五代史

大卿宜合為一心勿分彼此則兵功全而莫之能禦顧如元木者又何足掃除乎同上

改詔救濫

張居翰同光中為樞密使偽蜀王衍既降詔遷其族於洛陽時關東已亂莊宗慮衍為變遣中官賈詔殺之詔云王衍一行並宜殺戮其詔已經印書時居翰在密地覆視其詔乃揩去行字改為家字及衍就戮止族其家近屬而已其偽宦及從行者尚千餘人皆免其枉濫居翰之力也

獻財助賞

郭崇韜為監修國史兼樞密使初崇韜收汴洛稍通賂遺親友或規之崇韜曰余備位將相祿賜巨万但偽梁之日遺賂成風今西方侯藩多梁之舊將皆吾射鈎斬袪之人也一旦革面化為吾人堅拒其請得无惧乎及裡郊崇韜悉獻家財以助賞給

文新十七

十一

云蒙宣諭王樞使在西府數年不曾錯一事樓政魏集

汰兵為民

龐穎公籍為樞密使以近世養兵之弊多而國用困竭於是大加簡閱揀放為民者六萬餘人減其衣糧之半者二萬餘人邊儲由是稍蘇焉言行錄

戒軍掠錢

郭崇韜為樞密使從魏王平蜀大軍入西川城戒諸軍剽掠法令嚴峻估一錢必論之以法市不改肆

宣撫惟卿

周文忠公必大除樞密使上曰卿在西府備殫忠勞若有邊事宣撫使惟卿可他人不能也言行錄

兵權付卿

韓世忠除樞密使上謂世忠曰朕付卿等以樞府本兵之權甚

大卿宜合為一心勿分彼此則兵功全而莫之能禦顧如兀木者又何足掃除乎同上

改詔救濫

張居翰同光中為樞密使偽蜀王衍既降詔遷其族於洛陽時關東已亂莊宗慮衍為變遣中官賈詔殺之詔云王衍一行並宜殺戮其詔已經印書時居翰在密地覆視其詔乃指去行字改為家字及衍就戮止族其家近屬而已其偽宦及從行者尚千餘人皆免其枉濫居翰之力也

獻財助賞

郭崇韜為監修國史兼樞密使初崇韜收汴洛稍通賂遺親友或規之崇韜曰余備位將相祿賜巨万但偽梁之日遺賂成風今西方侯藩多梁之舊將皆吾射鈎斬袂之人也一旦革面化為吾人堅拒其請得无惧乎及裡郊崇韜悉獻家財以助賞給

朝服侍上

唐昭宗初即位有事于園丘宿示于武德殿時兩中尉兩樞密皆朝服侍上

公服危坐

曹武惠王彬帝前密論天下事无不合上意而公堂會議如不能言太祖益所器重在宥密嘗公服危坐如對君父接小吏亦以礼未嘗以名呼歸私第唯閉閣宴居不妄通賓客一鼓方罷已待漏禁門矣虽霜雪不易其操如此者凡八年同上

爭事上前

慶曆三年杜衍為樞密使范仲淹出衍門下時為參知政事數爭事上前衍无愠色而仲淹益敬服之東都事畧

親賜隸字

夏竦為平章事臺諫交言其非改樞密使上親隸恭儉二字賜

之又賜文行忠信四字以勉之同上

虜使謂得人

王德用武臣也仁宗朝再入樞府為使是時富弼偕契丹使來德用伴射使者曰天子以公典樞密而富公為相可謂得人矣
長編

天下望為相

田況拜樞密使天下顚顚望為宰相以致太平

不按匿名

長興三年邢州汝州戍兵還見訖於殿庭遺下匿名書論本指揮元霸率欵人錢物帝令張從賓按問樞密使范延光奏曰匿名文字准格不治禁訟端也不宜按問乃止

請定常例

大中祥符中詔樞密使帶檢校平章事者不告引止於本廳贊

文新十七

一一二

喝時王欽若陳堯叟上言請定常例先是曹彬以樞密使兼相不告引故止用彬例

厨中賜食

國朝之制大宴樞密使副不坐侍立殿上既而退就御厨賜食與閣門引進四方館使列坐廡下親王一人伴食每春秋賜衣門謝則与諸司使副班于庭中故朝中為之語曰厨中賜食階下謝衣

道中奪印

曹利用天禧三年為樞密使後拜為鄆國公退朝歸私第道中有狂人奪其印以為不祥未幾以姪訥所累而貶死天下冤之

帳卧召問

莊宗即位郭崇韜為樞密院使時李紹宏請棄鄆州与汴人盟以河為界莊宗不悅獨卧帳中召崇韜問計崇韜曰陛下親御

六軍長驅倍道直指大梁汴城兵望風自潰既若偽王授首賊將自然倒戈半月之間天下必定莊宗蹶然而具曰正合吾意莊宗入汴皆崇韜之謀也

笏擊罷出

張耆初以恩幸為樞密使時晏殊為樞密副使上言耆初无他才能徒以恩幸遂極寵榮天下有私徇非才之議忤太后旨坐以笏擊僕出守南京上虽知其不當罷然不得已乃曰他日朕當大用之終以為相

會議悅睡

房暉與趙延壽同為樞密使時薛文遇刘延助居中用事其聽用之言十不得三四但隨勢可否不為事先每朝廷議事暉与學士等環坐會議多於眾中悅首而睡其避事如此

讀奏不曉

五代後唐明宗不知書每四方章奏令樞密使安重誨讀之重誨多不曉文義

古今文集

雜著

除富弼樞密使制

范鎮

兵布于天下而至眾故統之有本元謀出於堂上而無窮故資之於明哲是以基于靜密式暢遠猷始乎幾微能成大務若時付畀茲謂劇艱前推恩協謀同德守正佐理功臣特進行禮部尚書同中書門下平章事昭文館大學士上柱国河南郡開国公富弼文武相資柔剛並適誠貫金石材隆棟梁往在先朝當為上宰至言無隱精慮有開方國計之是毗以親喪而遂去况夫西漢而下巨唐以還訖于本朝凡厥公相率就起復以為權宜而卿固執礼經懇辭恩詔二年始事四海具瞻再炳台符之

文兼崇樞極之任重陪多賦庸示褒章於戲天命甚難神器至重始初緒紹正賴經綸幸元老之聿來偕眾賢之同濟庶幾涼德罔累慶圖

除文彥博樞密使賜功臣制

王珪

天極環樞上通帝位之紀神兵會府內嚴師律之謀朕方垂講不平進德常武雖天下無事思備禦之不敢忘蓋王者有征視安危之不敢忽適登髦傑資以輔予具官某器閎而深材敏以濟早責賢人之業實膺聖考之知以忠孝之名形家國之盛節以文武之畧輯將相之大猷肆纂命於皇圖乃離憂於喪紀迨終哀戚甫見儀刑屬疆事之方興煩師旄之載舉折衝境外方將出憺於王靈收畫帳中曷若坐圖於廟勝宜長機廷之務賈符巖石之瞻於戲過飪北戎未厭貪驕之志再盟西夏猶苞狂忽之圖終停竒勳用恢遠馭

文獻十七

十五

代汪樞密辭免表

汪藻

入參廟筭方俟黜幽進長樞庭更叨圖舊仰荷褒揚之過實深盈滿之憂敢布腹心仰干旒袞中謝臣竊以聖主之用人也必量其材之所至忠臣之事主也先度其力之所堪故為之上者靡傷知人之明為之下者得逃曠職之累一失此道兩垂厥宜如臣者初乏經綸特緣遭遇二紀服周行之末一朝居多士之先昨叨近弼之除已過平生之望豈有方更於晦朔居然躡次於鈞衡雖至無知敢忘自揆伏望皇帝陛下以隆寬尺物以獨斷馭臣知愚誠蓋出於由衷於成命何嫌於反汗別求賢佐共圖宏濟之功無使孤蹤益重疾顛之禍

謝表

汪藻

本柄于中又汗樞機之地進班其首更叨綸綍之恩蒙眷獎之非常私瑣材而不已安危所繫榮懼交深中謝伏念臣生江湖

之鄉非廊廟之器偶扞防於牧圉蒙記錄於冕旒當中與无寸武之材有慙吉甫乃一見受腹心之寄自比留侯存膺推擇之榮遂處弼諧之任謀參帷幄職總鞞鈴求言國步之屯方賴廟謀之勝外有交侵之強虜內多竊發之姦民兩河未復於輿圖二聖尚勞於岳狩非兵莫濟得士斯昌豈伊章句之腐儒堪此朝廷之大任茲蓋伏遇皇帝陛下治先稽古志在宅中躬堯舜之仁蚩欲躋民於富壽據高文之憤不忘克已於憂勤詳延左右之臣猥及下中之品臣敢不兼收群策務究遠猷念國家嘗瞻之憂適當今日豈臣子捐軀之報或後古人

代汪副樞辭免表

汪藻

聖神有作方收海內之人豪繇薄何功遽本朝廷之兵柄碩超踰之已甚雖庸懦以知辭中謝竊惟樞筦之司次鈞衡之任唯時初載順信獲助於天人宜帝遠圖安危注意於將相倘以小人而大受執宣元老之壯猷如某者生本寒鄉出陪多士早從外補甘心薄領之勞浸齒周行敢意功名之會昨屬裔夷之謀夏猥承明詔以臨州內撫三軍蚩无奇策外乘一障僅守故封會帥幕之肇開總兵符而入侍扞防牧圉跋履山川逮九五御圖之初預三千同德之列負羈縶而巡天下自知罪戾之多聽鼓鼙而思將臣敢幸搜揚之及既委腹心之寄仍加躰貌之優非不願榮懼終速謗伏望皇帝陛下特垂淵聽俯諒危衷收渙汗之誤恩責捐軀之後效義非所處蚩匹夫不可以利回請有可矜在明主固容於理奪餘見樞密院類

樞密副使

歷代沿革

梁崇政院置副使一人周末闕宋建隆中始以樞密直學士趙普及宣徽北院使李處耘等兼

樞密副使自五代以來凡樞密院皆參用文武大中祥符七年以王嗣宗曹利用並為檢校太保充樞密院副使不帶正官大元樞密院有樞密使及副使行樞密院則只自副使始

古今事實

有宰輔才

諫官歐陽脩余靖蔡襄咸言樞密副使范仲淹有宰輔才器不宜局在兵庭上從其請以仲淹參知政事長編

有公輔器

韓琦初罷相上問誰可以為執政者公力薦韓絳忠直有公輔之器上遂用為樞密副使既而有排毀絳者上曰韓琦之去性薦此人朕豈可違言行錄

士民相慶

呂正獻公公著拜樞密副使初自河陽入朝都人環觀相謂曰

文新十七

十七

此公還朝百姓之幸也至是士民相慶既受命出殿門武夫衛卒皆歡抃咨嘆言行錄

士夫相賀

慶曆初元吳納款遂召韓琦范仲淹為樞密副使天下聞之士夫皆酌酒相賀曰上用韓琦仲淹非惟社稷幸乃天下生民之幸長編

持法守正

王文忠公堯臣為樞密副使持法守正以身任天下事凡濫恩倖請各隨其事其事可損之可絕之至其大者皆著為定令在位六年廢賊修卒皆有條理

止倖去弊

富弼除樞密副使仁宗責成於公開天章閣給筆札使書其所欲為遣中使二人更督之公主北堂上當世之務十餘條又自上河

北守邊十二策大略以進賢退不肖止僥倖去宿弊為本欲漸易諸路監司之不才者使澄汰所部吏於是小人始不悅矣

議差役弊

熙寧中韓絳迂樞密副使神宗問天下遺利公對求遺利莫若盡地力退具疏以謂害農之弊莫甚於差役請委臺諫侍從集議

補邊防闕

歐陽公脩為樞密副使公在兵府與曾魯公取天下兵數及三路屯戍多少地里遠近更為圖籍凡邊防久闕屯戍者必加蒐補長編

却偽蜀獻

沈義倫為隨軍轉運使入成都獨居僧寺蔬食偽蜀有以珍寶為獻者皆却之東歸總圖書數卷上聞其清廉擢為樞密副使

長編

文新十七

十一

辯轉運誅

李繼隆與轉運使盧之翰有隙遂奏轉運乏軍糧太宗怒召中使付三函令取之翰及其人首丞相呂端不敢言樞密副使鉉若水爭之請先驗有狀然後行法上大怒拂衣起入禁中二府皆罷若水獨留廷中上既食父之使人值視廷中有何人報云有細瘦而長者尚立焉上出詰之曰朕所以擢任以尔為賢尔乃不材如是耶尚留此安俟對曰陛下不知臣无材使得待罪二府臣當不避死亡以報厚恩李繼隆外戚貴重莫比今陛下據一幅奏書誅二轉運使雖有罪天下何由知之鞫驗事狀明白加誅何晚焉上意解乃召呂端等奏請如若水議先令責狀三人皆黜為行軍副使言行錄

奏事尺言

能自知者猶得為明敢冀睿慈察其迫切俾回渙澤更選雋良
如此則器不假人各適賢愚之分物皆知報何勝犬馬之心

謝樞密副使表

歐陽脩

右樞虛府充位宜求於雋賢多士盈庭誤選乃先於庸妄既牢
辭之靡獲徒以寵而為憂臣某中謝伏念臣少本賤愚初無志
慮為小人之事力不勝於負薪程有司之文學止期於干祿過
被仁恩之樂育早從英俊之並遊遂叨侍從之流久玷論思之
地方時求治殆無補於分毫顧質早衰况漸凋於齒髮但思藏
縮敢望甄陞矧惟贊萬事之機必也極一時之選豈容濫得猥
以備真當命令之始行方惶惑以失措而睿恩至渥召旨甚嚴
莫諧懇避之誠徒負貧榮之愧此蓋伏遇皇帝陛下廓天地之
量垂日月之光憐樸直之無他謂疲驚之可免俾承闕之以效
拙勤臣敢不奮勵無能之姿感激難遇之會職思以位庶免於

文新十七

九

曠官謀不以身少期於報國

律詩

賀蔡副樞平羌慶捷詩

王介甫

城郭明王據兩陞軍前一日送降旗羌兵自此無傳箭漢甲如
今不解累幕府上公聯舊代朝廷稱慶具新儀國家道泰西戎
喙不見詩人詠串夷

簽書

歷代公案

宋太平興國四年石熙載元懿公以樞密直學士
簽書院事簽書之名自此始也八年張齊賢王沔

並以右諫議大夫簽書樞密院事端拱元年以內客省使楊
守一為宣徽北院使簽書樞密院事景德二年韓崇訓檢校太
傅馬知節為檢校太保並簽書樞密院事天禧四年以華州

觀察使曹瑋為宣徽北院使鎮國軍留後簽書樞密院事簽書兼藩鎮自此始也元豐官制行使副簽書兼罷元祐初復置簽書樞密院事初除皆帶密直及罷政乃拜端明殿李士王彥霖劉仲馮靖康初李回首拜延康殿李士簽書延康今為端明自是遂為故事**大元**詳見前樞密院

古今事考

無正負

簽書無正負為使之貳續會要

不次用

王叢叟元祐六年拜簽書樞密院事曲謝延和太皇太后諭曰知君才望故不次進用公遜謝而退曰願陛下用人之際更加審察邪正難辨辨之少差治亂所係正人在朝則朝廷安邪人一進則朝廷便有不安之象一聖深然之言行錄

文新十七

廿八

訪備邊事

馮拯簽書樞密院真宗訪以邊事拯以為備邊之要當須扼襟喉據險隘以制敵之衝若於保州威虜間依徐河以布陳果糧其勢足以決勝事畧

建中興議

權邦彥字朝美紹興間公在樞筦知無不言言無不盡謂宜乘機者三又建中興之議言行錄

學士簽書

太平興國四年石元懿始以樞密直學士簽書院春明退朝錄

檢校簽書

景德三年馬正惠以檢校太傅韓公崇訓以檢校太保並簽書樞密院事又王德用字元輔累任拜檢校太保簽書樞密院事會要

諫議簽書

以國八年張齊賢王沔並以右諫議大夫簽書樞密院事同上
宣徽簽書

端拱元年以內客省使楊守一為宣徽北院使簽書樞密院事同上

古今文集

雜著

辭免簽書樞密院事劄子

樓鑰

陽聞渙渥俯震危衷伏念臣三際聖君四汗朝蹟仕甘平進惟
義命之是安心實靡他以撲忠而自立頃嘗去國本為奉親置
散投閑久作山林之計匿瑕含垢率由天地之仁雖屢遭推剝
之餘終不至排根之甚茲逢更化首辱召還既叨長於六官且
悉歸於衆職實為過分何敢僥求况已越於縱心比再祈於納
祿不圖睿眷擢遙樞臣典選固難尚能自勉本兵尤重安得冒
居寵加祕殿之名兼預儲察之列誤恩下逮群聽皆驚殊非衰
迹之所堪抑亦多言之可畏伏望皇帝陛下收回成命改畀英
髦俾仍獻納之班馴遂退休之志倘獲免妨賢之謂庶不累知
人之明

文新十七

廿八

辭免簽書樞密院事表

樓鑰

誤恩下逮俾綴中謝聯遜續上陳未頒俞旨仰冒蓋高之聽不嫌
再瀆之煩中謝洪惟累朝特重右府豈獨為三軍五兵之本抑
使聞一日萬幾之微才則甚雜官何必備顧愚臣之無取荷上
意之深知起之掛冠間廢之餘勉以持橐清華之舊強顏履屐
告老未諧尚不堪朝夕之論思何以裨夙夜之宥密進寓承明
之直更列元良之賓揣已奚堪逾涯莫甚欲望皇帝陛下俯垂
淵鑒洞察忱衷念已迫於桑榆蓋居閑地倘未遺於簪履姑實
從班別求經濟之材以翊昇平之運

謝簽書樞密院事表

銓部為真猶未經於滿歲擬廷筮貳乃遽辱於頒恩遜避靡遑
周章增惕中謝竊以官莫崇於執政職尤重於本兵必求文武
之全材以任國家之重事邊隅甫定尚勤宵旰之憂邦域以寧
允藉弼諧之助豈應疲瘁可與幾微如臣者資實腐儒仕叨法
從由父司於封駁故多積於然仇十載歸閑仰戴乾坤之施一
朝收召復觀日月之明不堪聽履之華復上垂車之請敢期誤
溘俾贊洪樞血氣既衰止合奉身而去軍旅未卒曷知基命之
嚴玷書殿之清班忝儲宿之下客被繡鞵於上駟束繆帶以襲
衣采食有加寵榮已甚茲蓋伏遇皇帝陛下人惟求舊政務圖
新謂代言於受禪之初未忘孤迹迨趣還於更化之始深閔凋
年豈云術業之可稱蓋自眷私之過厚遂容僥倖倍切凌兢臣
敢不深感隆恩愈堅晚節老當益壯固欲殫報主之忠耄矣無
能終恐負知人之鑒

文新十七

廿八

同簽書

古今事實

始於治平

樞密院舊制無同簽書樞密院事者治平始以郭逵為之神宗示
正史職官志 治平二年令郭逵以宣徽使為同簽書樞密院事
長編

諫議同簽

太平興國八年張司空齊賢王公沔並以諫議大夫同簽書樞
密院事春明退朝錄

處資淺才

簽書大抵以處資淺之人若簽書一經親祠方進同知及樞副
若武臣擢預國政只除同簽書職源

都事

舊都承旨

歷代公華

都事舊與其官宋樞密院有都承旨似其職也蓋自太平興國中以楊守一充都承旨都承旨自守一始是時都承旨多用士人真宗後稍稍遂用吏人歐陽脩建言請復舊制不克行熙寧二年始以東上閣門使李評為樞密都承旨不用院吏而更用士人自評始也熙寧五年以尚書比部員外郎集賢校理司修起居注曾孝寬為起居舍人充史館修撰兼都承旨先是或用士人亦止於右職中選用文館兼領自孝寬始也元豐二年用張誠一為客省使都承旨自是都承復用武臣元祐中復以文臣帶待制充都承旨至崇寧以後則專用武臣矣紹興二年權禮部侍郎趙子畫充徽猷閣待制密院都承旨自改官制後除大臣自子畫

文新十七

大

始建炎四年高宗在會稽以武臣辛道為都承旨頗用事紹興元年十二月辛道宗既免乃詔依元祐職制置都承旨一員並差兩制為之大元樞密院可無都承旨而有都事之官名異而職則同也

羣書要語

宣納密命曲阜除范純札制贊右府訂謨之微同上樞機之地親承密旨雖在副介亦須得人曲阜除曹誘制陪輔惟怪以承密旨除劉奉臣制右府管天下之機務而承旨佐佑參總焉淇水除張誠一制

掌宣密命

都承旨副承旨掌承宣密命通領院務若便殿侍立閱試禁衛兵校則隨事敷奏承所得旨以授有司四朝志

檢察功過

都承旨從五品副承旨正六品通領院務及承百司之事檢察

主事以下功過而陞黜之凡御崇政延和殿則陞以待立若禁衛兵校試技藝及蕃國入見則隨事敷奏所得旨以授有司神宗正史職官志

請委疆事

王巖叟字彥霖為樞密都承旨湖北諸蠻互出擾邊公專請以疆事委荆南唐義問遂以草檄文喻義問以朝廷方敦尚恩信勿為徼倖功賞之意其後終底綏寧言行錄

為言邊防

洪文安遵兼權樞密院都承旨公既以近臣兼承密旨邊防民隱每為上言二衙春夏牧馬夏孤城仰給蘇湖秀三州適積水冒田有司預請倍輸夏麥以補芻粟北虜索劉孝恭等二百家公皆執不可軍器利弊命公料簡公區別良窳衆謂非熟於軍旅者不能也上以是有大用意周益公集

文新十七

廿子

正人宜留

劉安世作都承旨待制范相純仁之出由安世章疏已而復拜呂相大防遂擬安世真定宣仁難之呂云劉安世曾言范純仁今既復用宜少避之宣仁曰今既不作言事官自不相妨其後樞密院奏事宣仁由前語韓師朴忠彥如呂之對宣仁口如此正人宜且留朝廷遂輟言行錄

文館兼領

熙寧五年以尚書比部員外郎曾孝寬充史館修撰兼都承旨文館兼領自此始

古今文集

雜著

樞密院官屬題名記

楊廷秀

此記為都承旨作其間以事其事不事其事反覆為言則今日

建都事之職亦此意也中書樞密院曰二府國朝之制也亦因也樞密之屬曰都承旨副承旨曰檢詳曰編修在祖宗時都承旨則曾孝寬韓績檢詳則王存劉奉世編修則顧臨錢長卿皆其選也中興損益至今日都承旨檢詳各一員編修二員蓋六十年矣而壁記未立今都承旨李公昌圖乃克爲之屬某記焉士之言曰樞屬與宰屬異劇與暇也暇者無事乎尔也樞屬無事乎尔耶無是事無是官有是官斯有是事矣有是事則必事其事事其事則不暇矣曰暇者無乃不事其事而強委之曰無事乎事其事矣樞屬之職足乎未也等而上之曰使曰副曰知院曰同知曰僉書曰同僉書其號殊其建不並其爲長貳均也建其長又建其貳又建其屬者何上之遺下之裨也下無以裨其上而曰吾惟事其事足也可乎古者工以藝諫蜚書以士師諫工與士師非諫職也然事君之誼有非職者乎無也而爲樞屬顧曰吾暇無事也否則曰吾事其事足矣否則曰吾裨其上足矣至於事君之誼則曰思不出位又曰不如守官外乎此非吾職也然則古之工與士師過矣豈惟工與士師孟子曰立乎人之本朝而道不行恥也然則孟子亦過矣其然乎不然吾徒獨得而不思其職也淳熙十三年五月三日廬陵楊某記

北方

